

韓氏家集


254
9705
13



卷十八

江西巡撫兼提督銜先考濬生府君行述

府君姓惲氏諱光宸字濬生號薇叔惲之先世在漢有貞道公諱子冬者仕漢為梁王左相傳四十四世至南宋提舉君諱方直生子二分為南北二支其次諱繼恩卜居毘陵之上店為吾惲南分之始遷祖又十四世至少南公諱紹芳仕明為福建布政使參議始遷郡中是為府君之九世祖參議公有孫二著於明季國初即世所稱衷白遜



菴兩先生者也衷白公諱厥初明天啟初授兵部主事平
水西叛蠻晉郎中以忤魏忠賢外補仕至陝西布政使是
爲府君之七世祖遜菴先生者其羣從弟而南田老人之
父也自是以後隱德不曜高祖諱安宗 賜贈奉直大夫
曾祖諱鍾僖祖諱耕方考諱煜三世皆以府君貴 賜贈
榮祿大夫振威將軍兵部侍郎江西巡撫兼提督銜加一
級曾祖妣氏劉氏強祖妣氏項妣氏季 賜贈一品夫人
大父有子三府君其次也髫齡知愛敬得長者賜予輒以
奉二親執燭沃盥動中禮法稍長風神秀異見者奇之及

出就外傳讀書不數過輒成誦大父自以家貧犇走衣食
不得志於其身則有意於子孫時世父保長府君三歲差
肩而立大父喜其異於羣兒延師督課之兄弟攻苦力學
寒暑無間不數年皆成名諸生道光甲申府君由順天大
興籍補博士弟子員外曾王父盛甫山先生惇大負重名
一見卽器重遂以長孫女字焉卽吾母盛夫人也是年四
月丁先大母憂府君哀毀盡禮壬辰舉順天中式房師爲
陝西道監察御史休甯孫公日萱座師爲戶部尙書後官
東閣大學士蒲城王文恪公兵部尙書滿洲那恭勤公都

察院左都御史通州白公鎔刑部侍郎後官刑部尙書江
都史公致儼癸巳試春官薦不第其年四月丁先大父憂
府君戴星奔歸自以不獲親視含歛哀毀骨立時值河帥
麟見亭先生慶方蒞任南河以書招之河帥母憚太夫人
府君之族諸姑也方河帥任開歸陳許道府君在汴進謁
出太夫人目送之曰清高深穩異日昌吾母家者必是子
也是年太夫人亦卒河帥憶遺言聘府君主清江崇實書
院時南河習尙奢靡府君足不出院課士以清真雅正爲
宗暇輒鍵戶下帷攻苦不輟凡四年戊戌會試中式房師

爲兵科掌印給事中後官江蘇蘇松太兵備道貴筑王公
珮座師爲武英殿大學士滿洲穆公彰阿吏部尙書寶應
朱文定公刑部侍郎後官湖廣總督吳文節公工部侍郎
今官工部尙書侯官廖公鴻荃
殿試二甲第二名進士

朝考入選第十一名引
見改翰林院庶吉士吾宗四百年來科甲不絕惟入詞林
自府君始尋充

武英殿協修纂修官庚子散館一等第二名授職編修壬

寅充本衙門撰文癸卯三月

大考二等第二十三名蒙

恩賞宮綉袍料七月充教習庶士八月兼充

國史館協修官是年中州以河決試期展至十月九月八

日奉

命典試河南正考官副者爲編修今官吏科掌印給事中

大興范公承典相與悉心校閱得士王雲昭等七十三人

甲辰六月一日

召對蒙

恩垂問家世甚悉時與校唐史

詳問史例得失及已成未成若干卷府君一一詳奏稱

旨蓋

宣宗成皇帝之嚮用府君實自此始是月十二日奉

命副浙江典試正考官爲兵部侍郎今官禮部尙書通海

朱公嶠得士魏士龍等九十四人八月二十日奉

上諭湖南岳州府知府員缺著惲光宸補授欽此府君出

闈後以回京過江蘇取道里門奏請

賞假省墓遂得展限一月一時親族咸集雞黍過從以爲

樂然府君每念祿養不逮親存輒愀然增風木之感也十一月十一日抵京復

命尋謝

恩請

訓時奉

先皇面諭以任知府當眞知一府之事顧名思義不可不慎岳州衝繁疲難要缺今簡用爾並非有人保舉爾其盡力爲之毋負厚望府君感激叩頭謝

恩乙巳三月抵任岳州濱臨江湖良莠錯處俗好訟招解

至郡犴獄常滿府君遇事剖決每坐堂皇竟日不退當食則設便案於其側食已復聽之不數月而舊案之審結者殆盡凡越控之案多出訟棍教唆因緣及於胥吏以此破產者十常七八府君下車首訪擒巨棍孫某寘之法以故訟風亦漸息府治數十年無科第城中舊有書院傾圮久不治士不聞絃誦之聲府君憂之乃捐廉爲之倡葺書院增學舍集諸生肄業其中資之餼廩而第其甲乙於是士稍稍知文體識聲病比府君去任則已有登賢書者矣丙午秋調充文闈監試官丁未二月署理衡永郴桂兵備道

衡地近苗疆俗強悍多不靖每有嘯聚府君輒會營先期
掩捕往往有聚黨千餘擒其首而脇從者立散是年新甯
之土匪作亂擾及寶慶而衡陽當其東界按堵無恐蓋府
君之弭患於未形也十二月調署長沙府值明年戊申大
水已酉又大水益陽隄決湖水傾注近湖之民沈溺重隄
殍殮相望府君惻然憫之爰請於省城內外分設局廠糜
粥以食饑者方藥以療病者棺槨以瘞死者諸所注厝必
躬必親大禱之後米價翔踊富者屯積居奇大府患之府
君請增價以糴減價以糶所減之貲勸捐彌補行之一月

民爭出其穀穀價亦平又以其餘賑卹老孤之無告者凡
府君以倡捐故耗廉俸前後數千金不自言而所全活者
甚衆時裕莊毅公總制兩湖常稱湖南有好官二一衡州
知府高公人鑑一府君時論允之是年四月十六日奉

旨補授廣東督糧道八月四日抵任九月七日署兩廣鹽
運使尋奉

旨補授時鹺政弛敝埠商局商相與把持陰上下其手府
君初蒞任有以陋規進者黜甚問之則曰循舊章耳府君
笑曰是五十楮之餌也卻不受且令具結存之自是好商

屏息弊端亦稍稍裁革而府君遽以量移去十二月五日
奉旨補授江西按察使庚戌正月
宣宗成皇帝升遐府君感

知遇之恩朝夕哭臨二十七日釋服始行四月二十三日
到任府君當外任之初謂良吏莫先於治獄每晨起錄囚
夜則取律與案反覆句稽求其死生出入之故又嘗取律
例分別門類摘取其要者稿凡三四易卒得其精意所在
而措之於施行臬司爲刑名總匯府君治獄務在平反而

尤懼失之於輕縱以爲今日之州縣規脫處分避重就輕
甚至改竊買抵是驅民而陷於法也凡招解到省多已成
之讞獄囚供招如背誦府君獨憫之必反覆研鞫務得其
實每遇事關倫紀則曰此世道人心所係明刑弼教其要
在此又嘗語不孝等曰每見古人所論婦姑勃谿始自箕
帚兄弟鬩牆愆於觴豆以爲禮教之薄比積年錄囚見命
案似此者多往往以小不忍致罹大辟曾子謂如得其
情則哀矜而勿喜者正以此也每盛暑必散給藥餌以卹
獄囚之病者終臬司任行之無倦九月十三日署理布政

使篆務十一月十二日回任十二月三日再署藩篆踰年
二月八日回任是爲咸豐紀元辛亥以

今上御極

恩廕一子是年

特開恩科連充文武闈提調官八月四日又署藩篆十一
月二十四日回任先是前撫費公開綬奉

詔明保官員首以藩司陸公元煥及府君應薦遵

旨輪召入京值江撫一歲三更展轉遷代不果行迨陸公

回任府君卸藩篆始以壬子二月入

覲蒙

恩召見三次

垂詢歷任省分事甚悉仍

飭回任四月初一日到省尋署藩篆八月充文閣提調官

九月七日回任是年之夏粵西金田會匪由全州竄入楚

境遂由嘉禾醴陵一帶進攻長沙八月省垣被圍江右袁

屬之萍鄉等縣與長沙之醴陵接壤府君馳往堵禦布置

甫定而賊以十月解省圍由岳州踰洞庭湖遂破漢陽攻

武昌時前撫張公芾奏派九江防堵府君遂以冬月十六

日抵潯會同鎮道詣勘瑞昌縣之下巢湖等處芟舍爲營
踰月武昌告陷九江戒嚴張公親赴防堵以府君任郡中
行營支應事未幾賊下竄黃州中丞移駐瑞昌而別檄調
在袁防堵之候補道王公訓帶兵赴潯於是上下游之支
應遂分爲二府君移駐姑塘關口糧臺從焉癸丑正月十
日九江失守時兩江制府督師在潯先期退守江甯中丞
亦自瑞回省府君時在姑塘望見烽火相去咫尺一日數
驚有勸之入省者府君曰大兵旦夕且東下因糧於江稍
有貽誤人其以我爲口實也已而

欽差大臣向公榮追賊左次九江飛咨江省索米三萬石
銀十五萬兩並請代封雇兵勇坐船大小千餘號時漕運
已停府君請以冬漕兌費支應軍需而悉發空運糧艘每
船量給雇值以備調遣向帥遂得於二月初二日成行事
竣府君始入省是時省中人煙稠雜驚魂未定譎言四起
府君請嚴保甲之令畫城內地爲四十八段分派幹員紳
士挨戶稽查又各門皆有專司譏其出入事稍稍集而金
陵之賊遽以五月回竄湖流西上值湖北臬司江忠烈公
以援皖過九江飛請江撫會堵府君以爲賊自上游來則

九江先受之自下游來則湖口先受之今守湖口勢已不及則致人之計宜莫如省於是中丞定計奏請移楚軍入援忠烈公遂以是月十五日至省賊果棄九江由湖口進陷南康過吳城幸楚軍先期至相與登陴誓守人心稍定十八日賊舟泊德勝門外時中丞悉以軍事商之府君與陸虹江方伯議重賞格以厲士心峻刑法以肅軍令賊至之日閉城而守別築空心礮台以爲官兵之出入夜輒登陴睨察士卒勤惰風雨晦冥竟夕常不返以故得衆心尤傾心於忠烈公事無大小悉咨之故楚軍亦樂爲之用賊

既無隙可乘乃穿地作隧六月初四日寅刻德勝門地雷
作城蟄深數丈城中屋瓦皆震府君方在府署審所獲細
作聞聲馳赴則中丞方伯尙未至士皆卻立睥眄相視府
君大呼殺賊者破格重賞於我乎索誓不食言於是戰士
悉投袂起適有黃衣賊目螯弧先登悍賊二百餘蟻附從
之我軍應手斃數人餘悉潰而走尋令囊沙塞城缺處加
巨石填之不崇朝而工竣江省爲門者凡七自章江德勝
外非沙石卽水賊更多製呂公車梯衝悉具府君以語忠
烈公曰今城守日堅援兵且至賊自度不可以力攻獨恐

其聲東擊西多方以誤我宜以全力防地道無使用其所
長忠烈公然之爰議於西北角築月城掘暗濠募瞽人伏
地審聽又簡敢死士縋城下毀民舍於南門外奪獲雲梯
百餘具詎濠未成而闕地之變復起二十三日寅正章江
德勝之交左右隧同時發城崩圻十餘丈我軍悉力堵禦
值風雨交作電光與火光不復辨有悍賊手黃旗躍而上
守陴者驚走時九江馬鎮軍濟美守永和門聞之傾營而
出府君自城上瞭見賊勢少卻與方伯亟請中丞懸重賞
購士民且令曰完城者與斬敵者同賞值楚軍至殺聲震

地城內軍民間賞倉卒得數千人爭堵築完之是役也內
外夾擊人皆殊死戰始克轉危爲安時不孝彥琦從府君
在城上輒不禁痛定思痛也七月暗濠成地道遂絕賊不
得逞乃乘間竄瑞竄饒其自饒返者率由都昌東渡出湖
省中賊益蹙乃以八月二十三日子刻夜遁凡省城被圍
九十餘日府君精力交瘁而鬚髮亦斑斑白矣中丞錄守
城功奏請獎敘有矜功自炫者府君曰守城吾分也何功
爲且被圍時方救死之不暇敢貪天之功以爲己力乎新
例外府縣失事兩司鑄二級調任大部按例議上蒙

恩著功過相抵府君視事如故然益以此條舉善後事宜
修隍浚濠添築空心敵臺凡被毀民房流民歸者悉徙之
城中戶口驟增益修行保甲法躬自稽察不避風雨寒暑
恒秉燭夜出無定時亦無定方以此考屬吏之勤惰無
敢有售其欺者賊之去南昌而下竄也乘閒陷九江踞之
遂上犯鄂之通城崇陽興國等處江之武甯義甯者西北
鄰鄂界皆賊藪也甲寅四月有賊自興國來初攻義甯不
克適武甯周姓因鹽案滋事官吏捕之急乃導賊攻武甯
陷焉省中發兵往援合義甯之團練克之而武甯之從賊

者不敢歸悉聚北鄉導賊自芭蕉嶺進襲橫路口武義交
震是年秋有皖賊自吳城之後湖入與興國之賊合攻武
甯再陷之一時南九邊幅騷然前撫陳公啟邁奏請府君
援武甯取道入潯會楚軍攻九江蓋是時前禮部侍郎曾
公國藩方克復武昌由田家鎮東下也府君自省簡閱志
同軍信新軍共一千七百名時有都司吳錫光新自江南
大營來管帶黔勇六百名中丞以爲勁旅趣之行令受府
君節制遂以十月望師次武甯賊聞風退屯十五都勾結
興國大股之賊由十八都出嶺分襲我師土匪之烏合者

附之號稱數萬府君亟飭該都司統全軍扼之於橫路口
約以四鼓出隊至期託病不進府君曰是好爲大言中情
怯耳命舍之趣令志同信新二軍整隊而出又密傳守備
胡再升告曰彼衆我寡幸勿輕進但揚言大兵分三路兜
襲使賊首尾牽制其勢必分然後簡銳卒以衝其鋒設疑
兵以攜其衆破之必矣尋調集團紳張雲漢鄭奠等密授
機宜令各帶團勇伏於橫路兩旁山凹聞鼓聲卽督勇多
張旗幟以壯聲援亦慎勿輕進也二十三日賊自芭蕉嶺
來撲橫路我軍拒戰兵刃旣接突兩路伏起喊殺震天賊

驚擾自相枕藉我兵追犇數十里陣斬逆首張清源黃祖
琛等是時橫路之民尙未薙髮委員查諭示限一日不許
官兵妄僇一人而周姓以鹽案株連數百戶實由官吏激
成之府君悉援脅從罔治例並其首赦焉十一月移駐德
安時田家鎮新破賊以上游失勢益重閉守潯居鎮軍隆
阿欲與府君會兵乘間復之每出隊賊輒堅壁不與戰府
君謂楚軍水師且旦夕下而陸軍方克復黃梅廣濟刻日
渡江盍少待之居鎮不可府君憂之乃撥部下健勇六百
人扎德化縣之南昌鋪以爲後援未幾居鎮出隊賊果悉

精銳來撲官軍失利賊乘勝尾追幸南昌鋪之駐勇預作
犴備鎗礮齊施賊始退去十二月江省水陸之師敗績於
吳城會垣方震無何曾帥水師又失利於九江之官牌夾
會垣再震於是官紳請亟調府君回省籌防以乙卯二月
還署是時江右饒廣淪陷奏調羅觀筭澤南率駐潯之楚
軍入援東路甫定而甯州告陷之警報復聞省中無所得
兵仍奏調楚軍西援於是曾帥以調兵徵餉與中丞議不
合具疏彈劾遂緣案兼及府君初有本省萬載縣舉人彭
壽頤控其同邑民人彭三才餽賊等情經府縣審訊未結

越愬於省是年之夏陳中丞發審到司適彭壽頤投劾曾
帥行營提解來省府君親鞫之令其指出餽賊賊證不能
明而語益不遜因責掌三十遽以膚受愬於帥帥偶不察
以爲迎陳公意酷暑濫刑列簡入奏中奉
旨著先行撤任聽候查辦府君處之淡然不復置辯曾公
尋亦渙釋焉公與府君爲同年友再出督師蘭言無間今
春以協濟楚軍月餉驟增二萬覆書及之猶援閩牆禦侮
之語以爲府君之顧大局而忘小忿此可見矣府君旣卸
任思東歸甚切時巡撫受代者爲文俊公奉

旨交查辦廉得府君受誣波及狀爲之申理事始白丙辰
夏奏將上府君遂乞假行道經武林愛西湖山水因止焉
閒居繙閱經史有關於人心世事者必爲不孝等言之浙
中當事非舊交年誼不往來惟親故在杭者暇則相過從
或尊酒論文或湖山遣興嘗曰吾驟釋重負便覺二十年
來如騏驥過隙則今日之樂又豈可多得時邪蓋府君自
以所蓄不談四責掌三十數以觀受感然惟朝野不
眷注方深及於寬政恒捉鼻恐不免也是年八月部議以
掌責爲訓飭士子非濫刑惟未經斥革究屬不合擬降留

尋奉 諭旨 江西按察使惲光宸著照部議降二級畱任毋庸查級
旨 江西按察使惲光宸著照部議降二級畱任毋庸查級
紀議 抵欽此丁巳正月二十六日奉 諭旨 軍機處善後事宜
上諭 江西按察使著惲光宸補授欽此於是府君畱不孝
等奉 盛夫人僑寓杭城遂星言至江以四月九日接印二
十日兼署藩篆尋卸事江省自府君去官後粵逆石達開
以乙卯之冬糾集廣匪自楚南北兩路大舉入江連陷瑞
臨袁吉撫建六大郡又取道竄徽蔓延湖東各府縣洎府
君再至則已糜爛鮮完鄂而府君自以荷

性臣家乘 卷一八
聖主之知重蒙

錄用益感激圖報籌兵籌餉任勞任怨卒終府君之身肅
清江境而府君病勢之成實始於此是年李方伯續賓駐
師九江會同楊提軍載福彭觀察玉麟水陸會攻以九月
克湖口踰年戊午四月克九江方乘勝東勦而潯賊上竄
湖北之麻城方伯督師追之畱兵六千防九江中丞奏派
府君前赴要隘商度防務卽就近拊循軍民爲善後之計
府君至潯徧犒諸軍水陸兵勇歡聲騰躍時駐潯統領沈
副將部其麾下之軍分守要隘府君與之會商北岸則守

上游之小池口南岸則守下游之彭澤小池因賊舊城爲
壘加築護城撥趙參將管帶一千五百人守之彭澤與小
孤對峙江面最狹撥成副將管帶二千人守之而抽其二
營駐紮小孤洲其潯城則派黃參將帶勇一千紮南門外
之四里坡沈副將自帶勇一千五百人紮東門外之八里
鋪並商請楊彭水師統領撥礮船分紮湖口彭澤以扼大
江之南又另撥杉板水師六十餘號分駐潯郡之上下游
有警則水陸夾勦無警則上下巡查尋督飭九江守令填
實地道修葺城垣傳集各屬紳董曉以大義飭令舉團練

仿堅壁清野之法其愚民之脅從被人訐控者及陷賊中
自拔而歸者悉令具投誠甘結予以自新合郡帖然時防
兵月餉核計三萬七千餘兩江省以餉匱支應不給府君
稟請鄂省暫爲接濟而宮保胡公林翼素重府君允之至
十月楚軍凱撤新任九江普鎮承堯換防始由本省給餉
於是沿湖以東悉報平安之火遂至今日論者以爲府君
之規畫有方云事竣還省是年之春撫建之賊由東南竄
入閩浙而袁瑞臨吉合楚南北諸軍次第掃盪一時徵兵
四出餉糈不給雜以錢鈔於是士縱兵譁不可控制撫綏

彈壓事事棘手府君與中丞耆公齡方伯龍公啟瑞糧道
李公桓協力和衷妥爲部署兵民得以相安無事龍公以
瘁卒於官十月十三日奉

上諭江西布政使著惲光宸補授欽此府君疊署藩篆凡
司庫欸目必躬自句稽至是以軍需旁午尤清其出入無
使相蒙時當各屬凋敝之餘流民甫集瘡痍未復而防兵
星羅碁布月餉數十萬強半取給於丁漕府君見江界漸
就肅清方擬裁減客兵以節糜餉不意秋冬之交閩浙敗
賊復回江右分犯安仁新城等處於是曾侍郎再出督師

次於南城議江省協濟軍餉月三萬以資攻勦踰年己未
正月汀州之賊回犯南安克之侍郎移師而東六月進攻
浮梁景德鎮又克之江省賊氛至此始盡而府君已力疾
半年食少事煩不自覺也是年五月不孝彥琦成進士改
部曹府君具摺謝

恩尋以軍事稍暇冀奏請給假一兩月調治而中丞耆公
遽得

旨調任粵東九月十二日奉

上諭江西巡撫著惺光宸補授欽此府君感

知遇之恩不敢言病遂以十月初七日受事時值江省奏請以十月舉行

萬壽恩科並補行乙卯正科撫臣應循例入闈監臨值皖南逆匪竄入建德祁門等處饒九戒嚴尋准粵西咨稱敗匪方解省圍揚言回竄江楚請飭嚴防等因府君念軍事爲重因奏請以學臣代辦監臨一面咨請單公懋謙入闈又請以武闈展至明年三月均報可方浮梁景德鎮之克也經前撫奏調饒鎮軍廷選駐防於浮劉觀察于涇駐防於饒相爲犄角而別檄管帶同

字營之黎觀察獻管帶團防營之吳觀察坤修等赴援新安是時江省肅清軍士用命又值天寒出嶺雨雪載塗府君思有以拊循而策厲之自六年各屬被兵餉源垂涸不得已議於江楚各軍暫給半餉餘俟庫欸稍裕仍行補給嗣因楚軍改發全餉府君時在藩司任內詳請自八月爲始江軍援案亦如之尋奉部駁湖南軍餉不准全給江軍聞之慙然若失府君傳諭帶兵員弁毋得藉詞逗留旋附片遞陳軍士之苦及近年錢價之昂奏請一律復初以示體卹卒奉部議行之自是戰士謹呼買其餘勇不兩月間

而援皖之兵奏凱矣庚申正月江軍克復建德建德自四
年以來爲粵匪取道入徽之路而江省鄱浮等縣適當其
衝徽兵畫嶺爲界憚於深入值援祁門石埭之兵回至鄱
浮交界府君連檄趣令相機進勦於是普鎮軍黎吳兩觀
察分道進攻尋合劉觀察駐饒之軍以是月二十三日夜
悉銜枚抵城下緣梯而上克之是役也副憲張公督領皖
防悉以功歸之江右與府君奏報無異詞論者以爲信賞
和衷之所致云府君自開藩浔領封圻前後年餘除增給
江楚各軍全餉外又設法劃抵舊欠三十餘萬此外協濟

湖南軍餉前後十二萬又協濟督師曾公行營按月遞至五萬本年皖防告糴又議自二月起月協濟三萬無不勾心鬥角剝肉補創欲藉以維繫軍心鼓舞士氣而府君心血日耗馴至腠理之患深入膏肓遂爲藥石所不及嗚呼痛哉府君數年前右頰耳旁有結肉似癰而微硬然絕無痛癢之患遂寘不問戊午之冬忽感風邪筋絡拘攣口眼不正延醫診視不效適頰間硬處漸大醫者謬謂病源在此悉力治之上年四月間竟爾腫潰時不孝等應試都門遠離膝下府君以一身公私交集肝心兩經浮火上炎以

致創口不收妨礙飲食然府君猶恃體氣素旺
寵眷方優不敢驟耽安逸直至本年春初肝木上升病體
遂劇乃於正月二十八日瀝情奏請
賞假一月一切日行事件由藩司代拆代行遇有緊要軍
情仍自行覈辦不意一月之後精神委頓漸至不支復於
三月初一日再請
賞展一月一面將巡撫關防請
旨暫交藩司護理維時不孝彥琦已自都門歸適得粵省
良醫療治稍驗而脾元不復納穀漸稀馴至氣喘聲嘶彌

惟日家乘 卷一 八
三
畱竟日始於閏月易簀之前夕呼不孝彥琦於牀下口授
遺摺伏枕哽咽言不及私遂以越日棄不孝等而長逝嗚
呼痛哉府君孝友成於天性每以通籍後不逮事大父母
爲憾與不孝等言及之輒淚涔涔下曰仕而爲貧者爲養
而已養既不及忍令汝曹美衣豐食耶少與世父暨叔父
光業犇走幕游曾無終歲之聚比服官中外或數年一見
或十餘年一見不孝彥琦每自都中返必令順道省起居
歸則必問其所需與其所欲者以歲時存遺之郡城聚族
而居年終必分俸以給其貧歲饑則計口而授之粟嘗曰

吾宗子姓蕃衍吾力薄不能效范文正公置義田而此九世以下不過數十家貧者又半之此之不恤何以見先人於地下有以葺墓祠修宗譜告者則曰吾任其首從其厚也平生篤於友誼徼時故舊告寒與衣告饑與食無不得所欲而去凡後進之來謁者或與其先人相識或察其才具過人則汲引提攜惟恐不及然性嚴正不可干以私少慎交游中更仕宦晚際艱難備知人之情僞嘗曰坡公謂司馬文正一生得力在一誠字夫誠則生明明則機械變幻若妍媸之鑑於止水其技立窮吾閱歷之久稍稍得之

性且家
卷一
三
以故居平無虛言無飾行與人不輕信旣信不疑遇事不
輕諾已諾必踐此則府君之居鄉居官終始如一者也治
家嚴肅室無側媵被服食飲不異寒儒尤不喜聲色嘗訓
不孝等曰吾昔游於汴館於清江比至京都同年館閣朋
輩讌遊見招未嘗不往或值徵歌選舞聲技滿前固未便
拂袖去之亦卒未褰裳就之或曰此小節無妨圓通殊不
知吾輩處世本無大德斷不可以小德出入自恕也爾曹
識之嗚呼此可以觀府君矣府君官江西最久而艱難險
阻遂備嘗之性耐煩每治文書晨興據案至日晡不少休

遇疑獄則夜分秉燭觀之叔父嘗以書來勸節勞而府君以爲循分事比粵匪東竄羽書駱驛府君專司驛站輒惴惴以梗阻文報有悞軍情爲懼而目恒爲之不交睫矣癸丑南昌之圍府君衣不解帶者數月悉以家事委之不孝彥琦時賊潛隧密攻不克乃以火箭四面雨射居民重足府君夜登陴不孝彥琦屢諫不許曰今軍民乘障嬰於鋒鏑之下賴官出而鎮撫之慰其痍傷周其饑渴則人思自奮耳吾敢違假寐哉每自城上歸輒諭不孝彥琦曰與城存與城亡此之謂不辱臣死君子死父此之謂不朽人孰

無死死得其正足以不辱不朽矣凡軍興以來所獲奸細非得其情實不輕正法嘗曰古有曲赦以安反側之心不可以刑之失出者並論也武甯之役其從賊之首者曰周逢春城下之日窮無所歸面縛自首旋有周姓男婦數百人崩角稽顙府君下令曰自周逢春外一無所問語未畢有團紳率逢春之妻子匍匐營門哭訴受激各情請貸其一死願將全家繫獄中待其立功自贖府君慨然許之而周逢春者竟以殺賊死於陣周故北鄉人府君拔營之日北鄉送者皆跪香遮道相率而呼曰使君活我蓋府君以

此保全者千餘人又嘗自言出師武甯軍士道獲二人目
爲賊將加刃焉吾審其貌不類攜之至縣中紳士結保乃
知兩書生也汝曹識之他日苟得志慎毋以軍法妄殺人
府君頻年在外軍務糧臺恒以一身兼之然朝受命而夕
飲冰未嘗以供帳累縣官樵蘇病士民在營之日疏食徹
衣與士卒同甘苦每念時事日艱民生日蹙思有以挽回
而補救之思之不得至廢寢食雖任封疆日淺而當兵餉
支絀之際始則皖南乞援繼以浙西告變回顧東南大局
輒不禁夢中攘臂枕上拊膺嗚呼府君之年天奪之耶人

促之耶不孝等無以知之矣府君於漢宋諸儒之學無不
窮究多心得晚年喜袁了凡功過格曰聖賢切實之學無
不自改過始知之然後能改之故立之格以自警此卽朱
子所謂切己體察者也少從族祖紉之先生蘭枝游得作
文法下筆思如泉湧而理法極精密兩掌文衡不拘定格
一以清真雅正爲宗兩浙爲人文淵藪限於額不能無割
愛者錢塘朱生炳文以名宿抑賓副車第一每爲惋惜生
沒常卹其家爲培植其子不孝等隨任讀書府君延名師
課之督飭如大父時旣長習舉業每案牘餘閒輒令呈課

藝親加點竄恒至夜分不稍倦迨六年罷歸湖上猶時時
督不孝等溫習經書攻古文時藝暇則令閱因果書曰俾
汝曹知所畏也生平鮮嗜好雖曾厯館職撰應奉文字多
駢四儷六之作然以爲玩物喪志比之醋瓶畫匣不復畱
意公餘常閱性理經世諸書偶有撰著稟輒散佚不復畱
檢遺篋得養拙齋詩文集若干卷藏於家此府君生平問
學之梗概不孝等所畧窺涯涘者耳惟是府君沈痾年餘
其時不孝彥琦彥璋方待試都門不孝彥璋畱侍盛夫人
僑廬姑蘇府君屢寄家書輒以爲癰疥疾不足慮不意以

彈痊之故而浸至於潰也方不孝彥琦自都門歸遇知醫者以爲府君之病誤於以瘍治瘍亟犇歸視之而創口已不可復合一旦火衰土陷毒氣內攻馴至決疣潰癰不可收拾而不孝等事親不知醫之罪固已上通於天矣嗚呼痛哉府君沒於咸豐十年閏三月初六日酉時距生於嘉慶七年六月二十八日未時享壽五十有九歲身後囊橐蕭然賴同官經紀其喪方擬扶櫬歸而蘇常連陷道途梗阻不得已始遷厝於省城撫州門外青雲譜配吾母盛夫人太學生諱思恭公女子三長不孝彥琦正三品

恩廕生辛亥引

見以外用乙卯科舉人已未科進士禮部儀制清吏司主
事娶呂氏丙申翰林福建巡撫諱佺孫公女次不孝彥璋
廩生戊午科順天鄉試挑取臚錄大理寺司務娶董氏戊
戌翰林鹽運使銜江西卽補道名似穀公女次不孝彥璋
國學生候選通判聘蔣氏丙辰翰林名彬蔚公女女二長
未字卒次適戊戌翰林浙江卽補道史公名致諤次子名
恩緒孫二毓麟毓麒皆不孝彥璋出嗚呼府君敦厯中外
二十餘年愷悌烝黎表率僚吏泊乎借箸運籌折衝厭難

傳之異日固宜史不絕書惟府君生平不為昭昭伸節不
欲皦皦沽名故或有知之而不傳與傳之而失實者若不
及今詮次恐先德就湮不孝等為罪滋大是以且悲且懼
惟當代立言之君子哀亡憫存賜之銘誄則不孝等世世
子孫感且不朽

不孝

彥璋
彥琦
彥瑋

泣血謹述

只以代撰心儀採取人言未採數士甄辨難歸壽域同幸

二品頂戴安徽候補道加五級顯考晚菴府君行述
府君姓惲氏諱光業號晚菴世爲常州府陽湖縣人曾祖
諱鍾僖祖諱曾隆父諱煜官直隸南皮縣管河主簿三世
皆以世父官江西巡撫
贈光祿大夫曾祖母氏劉氏強祖母氏項母氏季均
贈一品夫人
府君生於南皮
先大父生子三長世父
豫生公次世父濬生公
府君其季也幼而穎異尤有至
性
先大父宦歸自督課之
大母棄養
府君年十二
哀毀如成人家
綦貧兩世父間關負米
大府君侍日大父

家居益自刻勵博通經史下筆成文。大父論之曰汝兩
兄均讀書有成不難博科第光大門閭然皆異日事目前
家無儋石儲菽水之計汝宜任之乃命棄舉業習幕事益
求有用之學年二十一歲大父患外症甚劇。府君禱於
神剖股和藥以進獲少瘳旋捐館舍兩世父均在外。府
君正裹瘡侍疾一慟卽仆地與吾。母張太夫人竭力摒
營棺衾附身之具皆周備如禮弔者嘖嘖稱歎毀瘠骨立
幾至滅性喪葬畢始治裝遊袁浦時長白完顏麟慶公開
府南河爲。府君中表戚一見卽器賞屢延譽於廣坐間

聘幣爭致穀入稍豐旋援例以河工主簿投效南河道光
癸卯調赴中牟大工事竣得優敘歷任桃源寶應甘泉管
河主簿升江都縣縣丞所至皆究心利弊詳考前人治河
諸書凡可補救時局者無不於當道前剴切敷陳多所采
納任甘泉時駐召伯鎮當河湖交匯之衝每遇盛漲惟恃
東岸閘壩宣洩而昭關壩向不輕啟啟則下河七州縣農
田皆成巨浸受害最烈己酉秋洪湖泛濫疊出險工大府
嚴檄速啟昭關壩期限迫促百姓環卧隄上執香泣籲
府君目擊咨嗟力爭於江督陸公建瀛河督楊公以增暫

請築隄堅守尋水勢日殺前議遂息保全民命無算秋稼
垂熟萬口歡呼紳耆龔孝廉慶麟等獻聯云枳棘非所棲
喜分得揚州明月稻梁將及稔賴保茲太傅甘棠又聯名
具稟大府導揚盛美循能之聲大著保知縣加知州銜咸
豐丁巳只奏補安徽靈璧縣知縣時安慶省垣淪陷髮捻
各悍酋鋌走於皖南皖北境內江淮數千里烽火相望幾
無完土下府君履任後見城垣殘破守具窳敗人心惶惶
朝不保暮乃悉出歷年幕宦之資亟集民夫修城浚濠簡
精壯爲城團鑄造火器逐日操演令鄉民築圩守禦力行

堅壁清野之法部署甫定擒匪已猝來撲城府君慷慨
誓衆登陴堅守旌旗刁斗晝夜森嚴審賊之遠近施放鎗
礮傷斃極多賊旣不得逞志復野無所掠遂竄走三次來
犯悉擊卻之以守城功府君
賞戴花翎鳳穎廬泗諸州郡爲羣盜出沒之區大亂未平
平人懷異志豪強姦猾之輩孽牙其間輒思乘機竊發監
生劉澳雄據一鄉多蓄亡命與擒首張澂勾結惡蹟昭著
府君手繕密啟馳白大府奉批卽行正法而機事旣密
未可宣露且黨羽甚衆捕治將有大患府君乃設詞招

惟日家乘 卷一 三
之來城治筵相款陰令勇役等環伏聽令酒數巡出袖中
批牘擲閱劉洪正錯愕無措而勇目桂某直前擒之立斬
於大堂之下隨從十人勇鷲有力悉帖耳受縛談笑間翦
除大憝若行所無事然傳首四鄉凡平日首鼠兩端者皆
股慄莫敢仰視民人冉長勝素無賴先充縣署茶房旋投
入宿州大營竊其戚材官某印札竄改己名嘯聚百餘人
聲言奉檄赴靈邑招勇屯紮城外古廟內自乘怒馬入城
需索供應勢燄甚張 府君適在離城四十里鄉間校閱
團練聞信馳回索閱印札遽麾左右縛之冉長勝殼鯨長

踞盡吐其實據供已潛約捻衆於是日三鼓襲城舉火內
應府君急令械禁而親率練勇赴廟合圍悉數擒獲天
明時卽將冉長勝梟示並戮同謀三人餘俱分別懲辦蓋
閭邑安危所繫間不容髮也在任三年無日不講求武備
鄉團有殺賊立功者獎以大義酬以重賞稍暇則清理詞
訟督課農桑用能衆志成城人自爲守當逆燄熾盛之際
鄰邑悉遭殘破惟靈壁巋然獨存屹立如重鎮廬鳳道黃
公元吉上書大府其畧云某巡行至縣訪聞憚令政績官
民一體載道頌聲該縣城內無隍城外無濠憚令獨任修

浚屢創巨寇芟夷內奸偉畧幹才殆罕其匹於是節帥撫
部交章薦達

特旨超擢知府戊午秋先兄祖貽舉京兆試世父濬生公
由江西臬司晉藩司己未秋擢巡撫府君念受

國厚恩感極思奮而心力已交瘁矣頃城袁端敏公以

欽差大臣來皖督師稔知府君才奏派總司行營糧臺

府君與靈邑紳民數載性命相依未忍忽然舍去且精

臺責任重大自慮才德不足以副之遂力辭至再袁帥執

不允而代者已來府君滋不憚怏怏登程百姓遮道攀

留有涕泣失聲者 府君悉撫慰之至百里外始陸續謝
去時大軍駐紮臨淮關儲胥匱乏水陸二十餘營一月僅
得五日餉或協餉竟不至則日發人米一升枵腹荷戈時
虞譁潰賴大帥以至誠感動 府君復親歷營次拊循慰
諭苦心彌縫激厲饑軍力圖進取旋克復鳳陽縣城敘勞
賞加道銜以知府發往江西補用庚申閏三月世父濬
生公薨於江西巡撫任四月江南大營潰常州不守凶問
警信絡繹而來 府君既抱手足之戚又愴桑梓淪陷徬
徨中夜悲憤填膺而量沙唱籌爲炊無米十閱月中備嘗

艱險致舊患肝疾日益增劇適袁端敏公內召請假就醫
因世父豫生公宦居淮城力疾往依骨肉相守戚族中避
難至淮者相望於道 府君分別存恤或給米薪或籌資
斧咸不令失所江北距寇氛較遠得以安心養疴尋卽痊
愈同治甲子金陵蘇常相繼克復奉湘鄉曾文正公檄委
督辦正陽關鹽釐事務是年十二月 不孝祖翼捷南闔乙
丑皖撫喬公松年以才具敏達識力沈毅專疏保薦奉
旨仍留安徽以知府卽補尋調辦通省牙釐總局兵革初
定關河一望榛莽 府君惟以安輯流亡招徠商賈爲亟

手定章程十條類皆務寬大而畧煩苛商民歌舞貿遷繁
盛廛市頓覺改觀是時府君年五十三自弱冠饑驅四
方銷磨筋力筮仕以後閱歷時艱當波濤震驚戈鋌紛集
死生呼吸之際輒堅忍鎮定轉危爲安而形神外疲精氣
內耗故未衰而病亦病久而愈衰遂瀝稟於皖撫長白英
公固請辭差丙寅冬月挈全眷歸里先兄時由內閣中書
考取總理衙門章京洊保道員分發浙江大府君喜承家
有人抽簪愜願自此遂無出山志矣然大府君雖家居各
大府深知綜核廉勤英公仍以江蘇皖捐局務相委籌集

小丘家乘 卷一 三
三
鉅款源源饋運以勸捐出力奉

旨賞加三品銜又以皖省肅清錄前在營勞績奉

旨以道員補用陝撫劉公典陝甘總督今大學士湘陰左

侯與南府君素未謀面皆採訪聲望先後以陝捐甘捐見

委復蒙左侯保薦奉

旨賞加二品頂戴光緒戊寅三月先兄署理溫處道篆十

月 不孝祖祁卸署湖南零陵縣保升知府補缺後以道員

用因望雲念切陳情南歸竊窺南府君精力漸衰侍左右

不敢離會胡式嘉姊婿作宰江左仲姊隨宦淮揚歲必數

月歸甯爲本府君素所鍾愛仲姊天性肫摯於一切起居
飲食先意承志委曲維持庭闈益臻豫順己卯冬先兄
特簡浙江督糧道武林離鄉近一水可通府君爰偕吾
母張太夫人赴署繡衣前導萊舞稱觴怡養於湖光山
色間極天倫之樂事恭遇

覃恩晉一品封典先兄又奉嚴命助賑奉

旨建坊辛巳秋

不孝祖翼

奏署湖北鹽法武昌道篆

綸音屢降家慶駢臻先兄年力正強承歡未艾不意是年
九月遘疾遽逝老懷怫鬱悼痛幾不能支自是迭患眩汗

重症賴醫藥得手疴恙漸平鄂常相距雖遙音書易達每
接家報不敢遽啟急索封面平安字閱之喜少懼多寤寐
中恒切疑慮壬午四月卸任歸省堅請棄官侍養府君
論之曰爾在鄂總司營務精務責任綦重各大府屢以人
才舉薦不努力酬知乃戀戀家庭耶吾當慎自調攝他日
就養以慰汝也 不孝 伏地恭聆涕不能仰癸未八月痰飲
劇發纏綿五旬立冬後安書頻至以病後胃氣大旺能進
肥膩諭勿焦念 不孝祖 親覩杖履優游竊謂愛日方長
私相慰幸本年三月望後忽因感受外邪微有寒熱醫以

爲風温或以爲瘧投和解清潤之劑迄難奏效而粥飲頻
進神志湛然四月初一日午間猶下榻行動詎料夜半子
刻稍覺喘汗扶起閉目端坐竟棄不孝等而長逝矣嗚呼
痛哉府君在籍二十年負鄉里重望嘉言懿行不可勝
紀要以誠恕爲體用兵燹後祠墓頽廢府君相度城鄉
各宗祠量加修葺應輸資者首捐爲倡開闔式擴輪奐聿
新規制較前大備又創建上店南分宗祠鳩工庀材不逾
年而蕝事武城白茅塘嘉善菴先塋以次負土培護築
堰種樹氣象一新黃塘鄉爲大父母阡隴歲時躬親祭

掃風雨無間誕辰忌日潔致牲醴懣聞愾見觸物傷懷世
父豫生公高年薄宦恒苦貧窶 府君代持家計罔勿周
至世父歿後命遺孤來依延訂名師訓督甚嚴迨遊邑庠
卽爲之授室適靈石何氏姑母于歸遠省輕易不得一見
中年以後一再相逢於京邸每感懷風木及彼此遭際艱
難輒欷歔不勝近十餘年諸中表弟兄聯翩直上或迴翔
清秘或敷歷監司姑母晚景堪娛 府君亦懽忻慰藉屢
訂南歸之約迄未如願而音書珍錯時時絡繹於途也堂
伯雲巢公依 府君十五載友愛如同懷境遇坎軻兼乏

子息狎於祿郡病卒無以爲歛值府君需次空乏急切不能籌維命家人鬻簪珥以治喪承嗣應歸何房不及詳

議遽命

不孝祖祁

寢苦枕塊持三年禮抵里後復遷櫬南

旋擇地安厝族人衣食不給樂爲解推各就其一技之長營謀生計俾終身溫飽親串中孤寒子弟輒卵翼以至成立鄉里各善舉殫心贊成大利大害所關立請於有司毅然興革如查拏教匪留養災民皆弭患未形而造福甚廣晉直大饑節縮日用所餘隨時資助尙有陰行其德爲不孝等所不能深知者人府君待人接物坦白無城府外雖

嚴重而內實和平同人商推是非無不開誠布公立爲判
決事值危疑之際意不少動而精思獨運務策萬全卽尋
常設施亦必求當於理而愜於情用能居官居鄉身名俱
泰合險夷爲一致見不孝等先後縮符惟以恪守清白力
行陰隲爲訓故先兄歷官中外時望咸孚不孝等雖至愚
極庸尙未至見擯於名公鉅卿或謬荷稱許於儕輩皆本
平日提命嚴切兢兢焉惟恐失墜也不孝府君工繪事設色
寫生神韻獨絕深得甌香館家法簿書餘暇偶一怡情綉
素尺縑寸楮咸寶貴之書法出入顏歐純用中鋒能作擘

窠大字尤工小楷在幕府時草章奏千餘言手自繕寫數刻而畢分行布白勻圓勁秀當道歎服間作行草亦復謹嚴不苟百忙中伸紙疾書而神氣完足點畫端整如平日從容染翰時昔賢云作字必敬非求工蓋公府君持身立心之正於楮墨間偶流露焉

不孝

等遠睽定省必多發家

書公府君隨時付答先後各什襲數百函易簣前十日猶頌手諭墨彩如新發篋啟緘涕泗橫溢嗚呼痛哉

不孝祖

翼

妄冀安車迎侍稍伸烏鳥之情繹誦訓言不敢徑行解

組乃閔凶遽邁祿養終虛泣血搥心無裨萬一

不孝祖

侍膝前七載春暮因公赴湘往返四旬神魂不定遲抵家
五日已抱無涯之痛自維方寸蒙昧值此衰齡多病不知
守護晨昏非遠道暫離卽浮名久戀以致變生倉卒調護
無方號泣星奔又未得親視含歛悔深罪重偷息人間生
有盡而恨無窮悠悠蒼天何待

不孝

若是之慘酷也

府君生於嘉慶十八年正月二十日辰時卒於光緒十年四

月初二日子時享壽七十二歲

誥授資政大夫恭遇

覃恩晉榮祿大夫配吾母張夫人同里三品封典太學

生諱芷薰公女

晉封一品太夫人生子三長先兄祖貽咸豐戊午科舉人

浙江督糧道二品頂戴署溫處兵備道甌海關監督娶同

里李氏道光庚子科舉人廣東澄海縣知縣諱 彤勳 公女

次 不孝祖翼 同治甲子科舉人署湖北鹽法武昌道二品

頂戴娶同里高氏太學生諱 賜綵 公女三 不孝祖祁 嗣堂

伯雲巢公署湖南零陵縣知縣補用知府道員用加三品

銜娶同里高氏太學生諱 賜瀛 公女女一適浙江嚴州胡

氏 贈太僕寺卿江蘇候補知府諱 容本 公次子江蘇補

用知府署上元江都等縣知縣 裕燕 孫六人承重孫 毓榮

縣學附生浙江候補鹽運判娶溧陽姚氏補用道浙江中

塘海防同知 光字 公女 毓齡 縣學附生娶同里張氏附貢

生 達 公長女先兄出 毓良 太學生聘江陰繆氏光緒丙子

科進士翰林院編修 荃孫 公女 毓珂 太學生聘江夏張氏

道光乙巳進士雲南巡撫 凱嵩 公女 不孝祖翼 出 毓壽 太

學生娶同里陶氏浙江瑞安縣知縣諱 錫蕃 公女 毓斌 太

學生聘同里莊氏署湖南寶慶府知府 賡良 公女 不孝祖

祁 出女孫七人長適常熟翁氏咸豐丙辰科進士及第工

部尚書

同蘇

公長孫咸豐戊午科舉人內閣侍讀諱

曾翰

公長子二品廕生光祿寺署正

安孫

先兄出次適同里史

氏同治庚午科舉人浙江候補知府諱

恩緒

公長子太學

生景澄不孝祖翼

出三字常熟翁氏同治癸亥科進士及

第翰林院修撰

曾源

公三子

順孫

四字嚴州胡氏姊婿長

子念奎

五字無錫楊氏布政使銜前署湖北荆宜施道

宗

濂

公三子

壽楣不孝祖祁

出曾孫慰曾蕃曾嗚呼

府君

至行垂於家庭仁聲洽於黎庶盛德著於里閭海內知交

靡不備悉

不孝

等閭陋無文又處縲絰之中昏憤迷惘不

能闡揚萬一謹和淚濡墨綴輯厓畧伏冀

當代立言君子錫之銘誄 不孝 世世子孫感且不朽

公三 不孝 祖 翼 泣血謹述

正字 不孝 祖 翼 泣血謹述

公三 不孝 祖 翼 泣血謹述

公三 不孝 祖 翼 泣血謹述

公三 不孝 祖 翼 泣血謹述

公三 不孝 祖 翼 泣血謹述

公三 不孝 祖 翼 泣血謹述

同知銜浙江歸安縣知縣顯考竹坡府君行述

府君姓惲氏諱思贊原名守和字節甫號竹坡稽譜乘所
載始祖爲西漢梁相貞道公自安定來居武進之千秋鄉
傳二十四世祖方直公宋提舉常平茶鹽倉公事生二子
長述之世居武進通江鄉之河莊爲河莊惲氏北分大宗
子汝華公登宋寶慶丙戌進士官秘書省著作郎十五世
祖怡山公卜居孟河城北閘爲北閘分支祖十二世仁效
公積德早逝妣氏巢奉
旨旌表建坊是爲府君高祖考妣曾祖考望岱公諱泰觀

贈中憲大夫曾祖妣氏商 贈淑人祖考助齋公

諱子麟太學生 贈贈資政大夫祖妣氏李氏王氏林並

誥贈夫人考彥卿公諱廷杰邑庠生 贈贈資政大夫

妣氏陸氏巢氏謝並 贈贈夫人庶祖母溫氏先王父生

子四女二長世父炳文公早卒次卽府君三叔父穀珍公

四叔父金鉦公長姑母適泰興翟信之先生次姑母適同

邑金復之先生府君生有異稟性篤摯沈毅甫三歲卽穎

悟過人先高祖母商太淑人卒先曾祖父毀瘠甚先大父

時遣府君爲解憂府君至或學語或識字皆能會曾祖父

意先大父特鍾愛之八歲先大母陸太夫人卒府君哀毀如成人與人小不治輒奉陸太夫人主呼阿母不置事繼大母巢太夫人一如事陸太夫人九歲從塾師於某寺師自炊府君先儕輩交課畢爲師濯盥執爨未熟不歸曰師未得食弟惡得先歸就食也嘗從世父蚤起入塾門未啟世父與同輩爲拋壻戲屢負府君心不憚潛拾壻盈掬習拋之壻未盡悉窺其秘曰須知重輕有權操縱有法持以定方向機而發是可悟立身處事之方矣十三歲世父炳文公卒先大父慟甚府君奉先大父手慰之曰有兒在無

苦也府君之自命已如此十七歲先曾祖父卒曾祖父生
子三長卽先大父次二叔祖北枋公先曾祖二年卒次三
叔祖杏菴公邑庠生時先大父與杏菴公哀毀過甚喪具
一切皆府君與再從世父東升公襄理無愆儀十八歲從
邳城楊先生遊先生固名下士不拘於繩尺間於府君尤
神明夙契由是學業大進偶歸省值舊社會文橐筆往謁
先入者稿已將半府君制題獨標新義一揮卽就座皆傾
服及校出果冠其曹十九歲吾母袁太夫人來歸府君館
於家時叔父穀珍公方七歲巢太夫人恐府君初授徒弱

弟恃寵不用命親以夏楚授府君曰若有過差痛責之毋少貸府君謹受教故叔父輩奉府君如嚴師府君之所以教養而成立之者亦歷久彌摯守巢太夫人訓也二十二歲甲寅科試受長白魁公知補博士弟子員二十三歲乙卯館孟城東鄉裴氏村學弊在音讀混淆都都滿堂誨者若罔聞知府君正譌訂謬口講指畫不遺餘力而已課益與館課並厲丙辰春應歲試豫章李公拔置優等遂食餼是年秋大旱粵逆披猖向軍退丹陽鄉民乏食者岌岌思亂先大父語府君曰惟籌資平糶可惠貧民而安反側吾

家向遇地方凶災必施濟今雖窘當先稱貸數千金以爲倡汝再募數千緡以相濟府君仰承先大父志設糶局於嬰堂內外閱數月人心靖乃止丁巳三月先兄伯慶生戊午仍館裴氏三年於茲主賓甚相得裴翁諄勸府君試京兆府君辭以應請庭訓措川資裴翁謂庭訓固然資斧願代措府君歸稟命時按戶攤浚孟城北河先大父方以全力助孤寡輩任雇役貲曰汝有志吾弗阻惟分貲遣汝僅可得若干裴翁聞之喜甚厚餽金以壯行色榜發以第十名經魁與杏耘族兄同年中式文播輦下聲名噪甚尋歸

而裴翁已先故操雞豚泣祭其墓後避兵北渡挈眷南旋
皆攜其孤嚴約束俾成室孤沒撫其孫俾不孝授之讀亡
何其孫又卒府君念裴翁之爲人而又憫其絕嗣也思欲
爲之助資埒祀於其家祠以綿血食而裴氏祠自遭兵燹
蕩焉無存府君恒引以爲歉歲壬寅裴祠告成不孝謹承
先志助緡五十棊進牌位於其祠俾春秋享祀世世勿忒
是冬計偕入都而十二月繼大母巢太夫人卒聞訃折回
哀毀如喪陸太夫人而禮儀益至己未再繼大母謝太夫
人來歸庚申春館泰興毘盧市三月張軍潰賊逼郡境府

君急走孟城請先大父避寇不允再三請乃命奉謝太夫
人挈細弱先行至江濱見靖泰各江船魚肉難民甚有圖
財害命等事府君至市急與舊盟友朱鏡湖陳建西朱樹
堂世伯商請靖泰兩縣沿江立巡船稽查嚴禁江船毋妄
行而府君奉謝太夫人抵寓急返棹迎先大父踵至者已
競傳孟城破先大父陷賊中府君聞痛不欲生哭已忍淚
涉江徒跣冒鋒刃忍饑渴追踪至常城不獲鈔至江陰復
折至圩塘魏村各鎮足繭面黧無人色旋訪悉受某館羈
購鄉導代詰以勒贖聞索美女良馬金銀各若干府君曰

吾愛父人亦愛女欲生吾父而害人女不可賊心動乃以
百金贖洋土若干定議府君返秦集貨賫至羅墅灣某戚
家約期往贖會賊移館先大父拔身出夜失道阻於河方
惶遽聞聞熟人聲隔岸呼某所有藤葛淺可涉循聲至其
處果得過河覓呼者無其人俟辨色至某戚家擬叩門適
府君啟門出相持大慟扶掖抵秦府君誓死尋親前後凡
五閱月至是若有神助人咸以爲至孝之感是年七月不
孝生十一月大母謝太夫人卒府君爲先大父納庶祖母
溫氏辛酉移寓靖江之沈家圩府君就戴君子輝聘館於

其典之在泰邑新鎮市者夏扶謝太夫人柩回里旋寓後
族黨戚友先後渡北者轉展相依寓不能容借公所廟宇
兼搭蘆席棚以處之分館穀以餉之勢難爲繼先大父率
叔父穀珍公列肆經營吾母等紡織針黹以其濟是年先
兄伯慶殤壬戌移寓泰興之李家園旋辦新鎮市粥廠距
江十四五里饑疫者每患中道顛踣過厰更無棲息處府
君乃與同人商分一局於瀕江之祥福鎮便難民之初至
更分一局於如臯泰興之黃橋便難民之遷徙又慮泰興
一邑費難充裕乃走海陵歷維揚沂清淮乞糴於喬中丞

鶴儕將軍都公漕帥吳公並助多金饑民飽食藉地坐卧
脾鬱不舒病發輒斃乃令食粥者或小本經營或行乞各
覓數錢以買粥籌俾行走運動以消病於無形患病者苦
鄉僻無良藥乃與費君晉卿等措資設藥材肆以救疹癘
難民攜衣服什物至新鎮求售無過問者緩急苦不便乃
籌款設收衣公所運至秦城暨各鎮轉售獲利悉以助賑
難民夏無巾扇冬無棉衣死無殯具葬地復與建西樹堂
世伯等設法給施纖悉靡遺癸亥王師規復金陵蘇常大
帥恐潰賊北竄飭濱江州縣嚴團練府君督辦新鎮市等

處團局與靖泰諸紳同心共濟土客均安嗚呼府君以一
寒士僑寓他鄉衣食奔走之不暇而卒能籌款至十萬金
全活至數萬人雖任郵好施由諸君子之不分畛域然非
府君之仗信義慷慨任事能如是之呼籲所至雲集響應
且事必躬親功歸實濟耶而府君之精力亦於此銳減矣
甲子四月郡城復先大父以久經喪亂憂虞成疾日漸革
府君先爲叔父穀珍公叔母張安人成昏禮乙丑正月先
大父遽棄養於李家園寓次府君搶攘號呼慘無天日而
附身附棺率三叔父四叔父以制具者靡不竭情盡慎秋

府君至球巷營新宅未就緒而叔父金鉦公卒府君慟先
大父之靈柩未返三叔父因亂廢讀四叔父天資英敏又
遽天殂悲不自勝急冒風雨渡江回寓沿途哭泣哀感行
人旋奉先大父暨季父伯兄柩並挈家南旋居球巷惟長
姑母則承翟太姻伯意免隔江往返卽於是冬由秦寓于
歸丙寅武邑尊鹿公以兵燹後瘡痍未復通江鄉距城寫
遠凡義塾嬰堂河工橋梁有關地方元氣諸要公囑府君
就近照料府君爲舉公正鄉圖董耆襄辦一切靡不周至
孟城內河積淤日久亂後民力凋敝工無從施至己巳春

幾至涓滴維艱府君遍訪輿情公估土方各費代額邑尊
捐廉益以己與費馬二紳及典中捐款與本城茶房兩捐
手定章程親爲督察捐款未齊先爲籌墊不足更爲賠補
三月歲事城中涸困乃蘇辛未試春官薦未售大挑一等
奉 旨以知縣籤分雲南改指浙江試用九月到省遵例加捐
本班儘先補用並加同知銜中丞楊公石泉方伯盧公午
峯曰大挑到浙者多書生不習吏治有治行者以憚令爲
最歷辦數差均蒙嘉許歲杪聞三叔父病革馳回百計醫

禱罔效密爲治後事而後行王申奉委德清縣新市釐差
府君以中興來帑餉支絀各省善後皆資權政而中飽之
弊蠹國病民乃慎選司巡厚其薪資嚴杜需索走漏諸弊
明示各商應抽成數商皆爭出其途是年三月叔父穀珍
公卒於里其時堂弟德生方四歲銓生方二歲堂妹方六
歲也府君聞訃哀悼不已諄囑吾母率孀氏俞其恤姊姒
毋以中饋累傷其心而吾母此時亦已積勞成疾矣癸酉
新市差滿課溢常額數倍乞假旋里權厝三叔靈柩於時
吾母病日增劇醫藥不應府君親爲診治亦不稍減四月

長姑母自泰興歸視吾母以庶母耿氏來六月吾母袁太夫人棄養府君理料喪葬旋卽之杭奉調入簾悉心分校得名元並積學士出闈奉嵯憲委之常查浙西鹽引銷數便道之里攜全家之省甲戌藩臬兩憲以才識明練爲守兼優詳請撫院加考會題撫憲以才局開展吏治留心題請試署湖州府長興縣知縣期滿後請補奉旨依議乙亥秋履長興縣任縣地山僻當江皖浙三省之衝衢粵匪往復蹂躪幾至民靡孑遺地無寸熟克復至是已逾十載土客各民墾田未及原額十分之五府君思牧

存以養民爲要養民以開墾爲先必使利盡歸農元氣乃
能徐復而鄉愚健訟兩造株累數十百人或相持終歲不
下尤田卒汙萊之所由致必祛此弊然後生聚教訓可次
第以施下車伊始歷年積案幾百起府君立爲程課必日
結新舊案若干起不三月而案無留牘有爲屋產纏訟者
已歷官三任莫能得其要領府君坐堂皇出一語剖斷洞
中隱微兩造悚息聽命邑人士無不稱府君折獄之神長
邑西北多山與安徽之廣德江蘇之宜興錯壤土客雜廁
良莠不齊九月間一夜報盜五起府君飛輿往勘見山路

崎嶇林壑紛歧急遣差回署取行李駐山中遍勘半月餘
回署集城鄉董耆論以弭盜莫如保甲而長邑客民多於
土民乃詳定舉辦客民保甲章程八條先分四安虹星水
口和平四鎮設局以專責成次於畎橋下源渡林石橋姚
家橋添設分局次分十二區派董以資管束次分城守汛
弁隨時行查次實辦連坐以絕鄰佑朋比爲奸之弊卽與
鄰佑以互相稽察之權次拆偏僻客棚以絕盜賊根株次
查造短工清冊隨時稽查使匪類不得混迹次開箕斗以
防來去客民頂替隱混其局員脩火暨各項雜支苦無資

會撫藩憲檄辦墾荒事遂詳請均於租餘項下支給城鄉
一例建造柵門凡山坳橋梁要隘處悉巡行察度每柵用
山石堅砌兩堵上蓋樓房可住柵夫四面瞭望處暨施放
槍礮眼畫懸旗夜掛燈有警鳴鑼一發百應自是衆山羣
盜屏迹至近年有自長邑來者猶云恃此以弭盜賊之患
云府君思長邑墾荒十餘年僅報熟田二十九萬餘畝不
爲通融成效必不能大著因稟請照安吉縣奏定章程酌
量變通無論土客民墾荒並減征收一年至三年不等以
昭激勸丙子春稟請設局清糧示明一年期限聽各業戶

補報餘田查照曾文正公奏定安徽廣德州章程令客民
按畝繳價有主自爲授受無主將價繳送城局聽各紳分
撥書院嬰堂辦理地方各善舉又省頒墾章有墾熟之田
原主出認給與客戶墾本一條府君參酌其間分別業主
執有清糧印單與並無印單但憑圩保指爲原業者給墾
本有差更有執單認田而田仍租與原墾戶耕種者則不
給墾本酌定高平田每畝租價由局代收除完國課餘
錢由各業戶領去土客民悉樂其便縣城經粵匪竄擾前
後六次城垣幾無尺寸完固府君乃首捐廉集款周圍修

築凡三年而工竣丙子議濬東城外通夾鋪入太湖河道
邑紳咸以籌款爲難府君慨然曰水利乃地方生機我爲
地方官當爲地方暢此機捐廉以倡各捐遂畢集而河工
以成孝豐縣客民以鬪毆釀命案適孝豐令赴省府委安
吉縣代驗以服毒稟案尸親上控乞雪冤復委府君會孝
豐令重驗見脅下現傷痕遂以致命會詳案未結丁丑五
月四安營勇夥殺本鎮胡姓而盜其絲胡子指名呈控求
得罪人而甘心府君驗勘後立謁營員商辦營員故增其
數以亂眞府君點閱各勇命事主當面指實無誤認犯具

惟日家乘 卷一 八
得營員懼獄成干吏議以賄營省派武員行查思攫盜犯
去府君執不允反譖府君藐憲札并牽引孝豐案咎府君
戊寅春調府君離任赴省謁撫憲據情侃侃陳畢不辭逕
出同列皆爲府君危府君曰牧令爲親民之官不能爲民
請命使民死而含冤吾不敢甯去官弗恤也展轉數日神
人共憤讞始得實論如律孝豐案雖幾反覆亦卒如府君
議府君之持正不阿類如此秋回任益求所以厚民者教
養諸端凡歷任所未備前此所未逮者巨細畢舉先辦土
客各民積穀捐錢二萬九千二百餘緡兩年竣事建城鄉

倉房六十餘間購穀一萬六千石餘錢以備看管倉穀歲
修經費己卯添建講德瀹靈二精舍以惠士林建東西城
義塾以誘後進設牛痘局以保嬰孩創航船修津梁以便
行旅措公款爲勘盜案命案經費禁胥吏差役滋擾事主
冬中丞譚文卿公奉

上諭嚴札飭查荒田時長邑自府君莅任後已添墾熟田
十八萬畝合之原墾熟田祇四十六萬餘畝照原額尙缺
田二十五萬餘畝府君因傳集莊差圩保分期諭以荒田
不可短報短報則缺額更難歸補荒田不可捏報捏報則

上憲委員查對不符必遭嚴譴每日大堂上下跪而聽立
而視者千百人各無閑言庚辰三月初十各圩保先後報
到荒田地山等共十一萬餘畝漸有成數而革生朱炳勳
以光緒元年開漕斥革事銜府君煽動嘉會全區土客民
聚衆毀署阻查府君馳稟各憲請委查辦一面曉諭居民
毋聽浮言併將頒發圩長摺式暨十二區開報荒熟總數
榜示通衢撫委至府君購線授機宜夜半潛拿朱炳勳赴
省其幫同斂錢之蔣友生亦先後緝獲城鄉紳耆並請修
署其未查荒地分段設局責成紳董自爲清理雖事變之

際鎮定不搖而歷年之蚤夜辛勤思又安長民前此不自
以爲煩者至是而漸形其瘁時患目眩頭暈矣事竣力請
解職旋里寓郡城之成全巷命不孝迎婦陳氏於泰興辛
巳九月移居縣學旁冬赴泰興送不孝太岳父殯與避難
時靖泰諸鄰佑敘往事話殷情流連不忍置時有偏災還
餉貲糧賑之以報曩昔之施壬午浙憲以府君吏才治狀
爲通省最惜其早去未竟所用六月調補歸安縣府君以
精力漸衰告病未赴任在邑會辦郡善堂公事與同志逐
一稽核積習盡祛秋福興洲大水漂溺人民廬舍無算府

君爲代額郡城諸善士卽日集貲數千金下鄉煮粥并施
材收埋溺斃流尸水退分給口糧棉衣助修圩岸廬舍橋
梁癸未復呈請移積穀轉息以貸福興洲被災貧戶八月
請開歸安縣缺甲申請辦武陽協濬孟河南段畝捐府君
以舊奏案武陽錫金宜荆協濬事難驟辦爰請先濬南段
以興桑梓水利積穀年久未經糶換穀多枯灰霉變將來
荒饑發賑有名無實因稟請糶變萬餘石丙戌春挑濬郡
城玉帶等河測量估計躬親監督夏初竣事每往來於風
日中巡視工程而泥出無所置乃分運於北門外修平至

江陰官路籌裕孟城外河南北兩段撈河經費府君思孟
城河身高仰朝夕潮汐易於淤墊淤後籌款疏濬甚難因
稟辦田捐得霑水利地方每畝捐錢二百分十年勻繳發
孟城典生息約每六七年可濬一次丁亥籌辦小河義渡
經費小河係裏下河一帶人民往來蘇杭等處要津江船
不時失事府君以事關人命籲請邑尊每月捐廉以爲倡
并廣募諸善士月捐藉濟局用旋於冬月又添設圩塘義
渡局以便如泰東路人等分渡並籌建造局房及船隻歲
修各費戊子九月浚孟河南段旣請委諭董照料各務府

君復親駐球巷以便上下調遣歲杪雪夜踏月拊巡夫役
加以獎糈在工者靡不格外奮勉而口外蔭沙直塞口門
易停積淤築壩攔江長十里許穿心開港以祛其患己丑
春河工壩工將次告竣外江潮汐漸漲內地湖山諸水驟
發戾水壩懼決於內攔江壩未能合龍恐潰於外府君博
訪周諮用蘆葦內實泥土瓦礫亂石量龍口紮成大埽外
用篾纜繫埽龍口兩旁密排椿木使兩埽齊下立將埽纜
互纏於椿趣令夫役運葦負土置賞錢數十千於龍口下
令曰石土束葦置埽上者賞錢百於是畚揭千百電掣雷

奔不終日而夫工成河工亦次第收齊并修築奔牛小河
兩閘建石堦木橋一座共用經費六萬四千餘緡論者謂
費半功倍工竣餘款發典生息爲歲修經費秋旱西北鄉
災府君督辦孝東孝西通江等鄉賑自冬至來年夏初凡
賑饑口四次撫憲稻種官紳錢洋外益以各處鄉捐並慨
捐千金郵寄賑長邑災區府君視人急難痛癢相關自丙
子後每歲必給米麥或錢票以贍孟河小河各貧民族親
遠者無遺近者無閒周恤之保護之單寒孤寡待而舉火
者尤指不勝屈行之終身無稍渝桑梓閒有糾葛不解事

知與不知往往需府君一言立決無貴賤強弱智愚如一
故事無大小上而官紳下而士庶無不屬望於府君而府
君以年近指使漸亦惡煩力辭善堂各公事而河工書院
義渡關係地方教養並未有永遠經費者仍不忍度外置
之也嘗訓不孝曰丈夫不虛生世間凡有益於人有裨於
地方者悉當計經久爲竭力圖之至於貲財房產自私自
便以貽子孫未必永勿替吾不能以此爲爾曹計吾故爲
爾姑爾妹擇婿亦悉以品學選膏粱藜藿不遑恤也嗚呼
府君服官十載乞歸後又將歲陽一周出處一轍事之有

益於地方者靡不悉心擘畫蓋至是而鬚髮頽白矣重以
乙酉年來堂弟德生銓生相繼而殂叔母張安人痛長子
先次子而卒府君以叔母善將家兩弟資性英邁視真猶
子而乃三四年閒疊遭事變德生弟聘陳氏當姑之喪誓
死於父母苦請于歸遂以衰經入侍殯宮府君搜心之痛
無可寬解向之眩暈怔忡諸症益不時加劇庚寅正月三
弟金生生數月而殤是年呈請詳定河工灘案并援道光
閒林文忠公箴捐例請詳復行爲撈河經費蓋深知稼穡
艱難農田以水利爲命木牌夾沙淤河抽捐助濬昔賢固

有權衡沙灘因築壩積淤繳買歸公俟成田後採租撈河
卽可永免民間畝捐也辛卯武邑尊朱公陽邑尊葉公慨
捐廉俸二千金倡議開挑城河府君以上屆經費未敷東
門外未能一律疏濬濁流易淤此次必開至艤舟亭與清
流貫通以免淤積統計工程較上屆加增乃於官捐外先
集各商捐又移書諸同人勸以慷慨書捐無不應者壬辰
開工局務殷繁加以孟城左近去秋旱蝗人艱於食府君
方籌欸設局平糶日閒親詣各處巡視河工商度諸務泥
無所出乃運於西門外修築營濠晚乃函商平糶情形及

裁富往還各札每至夜分不遑假寐精血以此益耗損而
府君已飢已溺之誠仍有固結不解者宜荆紳耆呈請武
陽協浚南運河府君以運河在腹裏孟德澡河實尾閭不
容聽其填淤查道光時奏案呈縣通詳請照六邑協捐開
挑德勝澡港及孟河中段照舊案畧爲變通武邑獨任其
半陽邑宜荆錫金共認其半庶積淤六十年之河六邑共
霑之利可期永保癸巳復督浚孟河之延壽等支河十四
道是夏徂秋三月不雨他溝皆涸苗禾俱傷而延壽等河
埵近田疇以河新開得資灌救秋穫有十之四五莫不歸

功於河工而去夏則募捐與泰邑合辦大沙救生船一艘以保江北坍塌旋折而南沈沒船隻之險甲午則籌款建麗江書院於西夏墅以惠孟德兩河離城寫遠之子弟迄今鄉間士民咸感府君之德甚有言之泣下者倭警棘時郡縣奉札辦團練經費無出府君復竭力籌措而招募有章訓練以時約束嚴明毋或游散滋事是秋旱災南五鄉最重而大有旌孝兩鄉尤甚啼饑號寒傷心愴目武邑尊捐廉二千金陽邑尊捐廉二百金府君更爲勸募約共萬金親赴鄉邀董耆挨查饑口徧振之不足復請移通江孝

西兩鄉積穀以資補助分三年歸還有以他鄉之穀未便轉移之說進者府君以晉饑秦餓河東河內移粟移民力爭之得撥賑府君之遇事也心精力果從無以隔閔而中輟者由秉性然也更恐人不得食災及耕牛春耕無從措手田益荒蕪饑且薦臻請詳籌借積穀公歛設局典牛限期加息取贖并預商定將牛賑餘息留湟里埠創接嬰堂所以卹農而貽樂利者乃益至是冬堂弟銓生聘室劉貞女喪歸初貞女潛聞仲弟噩耗請易服來歸府君婉卻之而女之志恒鬱鬱不自得會奉母由滬歸舟偶覆遂自沈

以畢素志府君命不孝以禮護貞女櫬與銓生弟合葬於
叔父塋穆穴乙未春府君猶赴鄉發大有等五鄉賑兩次
復赴北鄉會孟德兩河麗江書院小河義渡通江孝東孝
西五鄉董耆立公灘議據章程並繞道史墅董成通濟河
六十餘口門未竣工程與前濬延壽河並爲請縣憲捐廉
資助不足則另爲籌墊以迄底其功府君以孟德濬三河
爲運河尾閘關一邑水利累次疏濬籌款艱鉅按畝攤捐
則小民食力維艱非長治久安之策今蔭沙口外新長沙
灘不下數百頃慮沙民土棍之競起爭端攘奪構釁而河

工義渡書院經費之難繼也爰議稟邑尊通詳立案除已
繳價成田聽業戶耕執外概由河工義渡書院先行籌墊
鉅款報繳嗣後疏濬之用膏火之資舟楫之費咸取給於
沙灘蘆息及成田採租之所入除太國課外計每歲可贏
數千串發典生息十餘年疏濬一次化私爲公一勞永逸
法至美意之良也詎料沙棍奸民耽耽逐逐見利益之涓
滴歸公而無所施其攘竊之技迺羣相煽惑屢屢上控歲
已亥適某令來宰是邑暨某道均謬執私意以度人使民
間世世食益之各善舉垂成之功隳於一旦是可慨也旋

遣六妹嫁命不孝略備奩具以吾家本寒素婚嫁貲當有節兼及自後家中膳養壹是均宜以儉嗇爲本不孝敬受命竊以爲府君隨事訓迪纖悉靡遺殆愛之切而期之深故戒之嚴而誨之如此詳且盡也豈料不逾數月不孝之罪無可道天降鞠凶竟上延我府君嗚呼痛哉是夏六月暑氣鬱蒸十三日府君因事赴公衣冠宴會暑邪內伏十四日晨起遽患泄瀉噫後失音目睚下陷不孝力請移內卧靜攝不許仍肅客兩次旋又作瀉手足麻搐不孝再四請始許扶掖入內自書方藥不效用本瓜薑湯擦摩刺以

針血如墨兼之汗如雨下急延醫治又以投藥涼熱持不
決其時府君心神湛然醫再診視尙語醫以病由肺虛受
暑不孝侍且命出視方乃合藥未竟忽然虛脫多方救治
總不效延至申刻竟棄不孝而長逝矣嗚呼痛哉府君素
精岐黃有以疾問者事雖冗必爲診診輒效每夏秋間必
預合救急等藥以廣施濟服者立應豈於自治而反不效
不應耶抑頻年公私積勞元氣虧散遂一蹶不復振耶此
皆不孝懵昧無知不能防患未然維持調護於數月以前
卒至閔凶驟降倉猝之際醫藥無措死不蔽辜嗚呼痛哉

尙何言哉府君一生精力過人遇事誠懇在官在籍各善舉須衆力始成者先出貲爲人創且能獨任勞怨以期必成故人皆樂爲府君助與人無城府排難解紛歲以數十計而又篤於親親之誼再從叔父炳玉公早世寡孀俞並遺孤幼府君挈之同居洎宦旋爲再從弟嵩生授室捐職員營房屋始使迎節母侍養叔父穀珍公之歿府君痛兄弟數人已無存者於二堂弟尤加之意飲食教誨從厚爲延名師授讀皆爲聘名門女爲室不幸二堂弟皆早世府君急爲立嗣弟妻陳未婚守節尤矜憫歲時存問之禮有

加大宗祠遭庚申之變盡成瓦礫丁卯冬以兩歲所入除祭資餘錢四十餘緡先構柱梁四五架於舊基戊辰春祭集族衆勸各解囊並議丁捐益以次山族曾祖雨亭小山諸叔祖畹薌伯父之鉅欸而寢室五楹以成又益以牌位捐而兩廡各三楹以成戊寅歲調省無事函請族中集捐續修大宗祠適莘農族兄以原捐之二百金寄常乃合小山叔祖畹薌伯父伯方族兄并已捐交少鶴穀清鳩工庀料族衆則仍按丁集捐祠屋乃稍復兵燹前之舊觀辛巳重建怡山公分祠府君以望岱公辛苦廿年藉公樹本錢

一串積至千餘金購祠屋欲新之料已具會歲饑族人攫料去并勒出餘貲公痛哭歆恨歿曾祖父先大父欲繼其志會亂未果兵燹後雖修葺聊蔽風雨至是拓地改建以成先人之志又與莘耘族兄拜謁族祖遜菴南田二公墓集款購田爲祭掃資歲時修葺甲申歲重修宗譜都爲六十八卷雖編纂校定各有專司而提綱挈領事必躬親吾族傳七十餘世散處數省兵亂後流離散亡尤難句稽期年葺事不遺餘力所謂尊祖敬宗收族任卹睦婣之道府君爲無遺憾矣府君生於道光十四年二月十三日戌時

卒於光緒二十一年六月十四日申時享壽六十有二

誥授中憲大夫 覃恩晉封中議大夫 誥贈資政大夫

三品銜補用道浙江候補知府配先妣 誥封恭人 晉

封淑人 誥贈夫人袁太夫人生子二長伯慶殤次不孝

用康三品銜補用道浙江候補知府配泰興陳氏試用訓

導鈞三女 誥封淑人繼配江陰胡氏知府銜四川鄰水

縣知縣堃公次孫女同知銜山東候補知縣鏊公次女妾

徐氏王氏辛氏庶母耿氏生子一金生殤先妣袁太夫人

生女二長適同里李太學生正青長子浙江候補縣丞廩

貢生嘉穀次適同里巢光緒乙亥恩科舉人大挑二等
候選教諭燮鈞次子附生蔭焜庶母耿生女五長字同里
卜光緒庚辰進士山東肥城縣知縣文煥次子候補知縣
附貢生綸章次適同里金二姑婿郡廩生兆鼎長子附生
興華三適同里陳浙江候補知縣允豫長子協恭四字同
里曾附生省三子詠餘未字孫五長汝燾不孝婦陳氏出
次汝承嗣堂弟德生三汝鴻五汝仁嗣堂弟銓生俱不孝
妾王氏出四汝厚不孝妾辛氏出孫女八長適江陰胡增
生本紳長子馥元次未字俱陳氏出六七俱繼配胡氏出

三五俱妾王氏出四八俱妾辛氏出俱未字謹卜吉安葬
於陽湖之潘家橋新阡主穴先妣袁太夫人先葬於武進
通江鄉觀東村水鴨塘並擇吉遷葬潘家橋主穴合兆不
孝昏闇寡學日侍左右於府君之存心忠厚而不形於外
厲志潔清而不願人知者未易罄述謹就其生平大節粗
具厓畧伏望海內立言君子賜之碑銘以光泉壤則世世
子孫感戴無旣

不孝用康謹述

于將起歲無過上再... 長風界為望... 萬志將滿而不... 名晉間寒... 與其... 須... 二正身... 王... 出... 入... 身... 安... 王... 出... 身... 未... 守... 節... 小... 告... 安... 整...

二品銜補用道貴州貴陽府知府顯考伯方府君行

府君諱鴻儀字伯方號曼雲姓惲氏系出漢梁王左相貞
道公自番陽徙蘭陵代有聞人宋有官提舉茶鹽諱方直
者生子繼恩徙居南鄉上店五十九世當有明中葉福建
左參議少南公諱紹芳光祿寺卿撫原公諱厥初祖孫皆
以名進士文章氣節照耀海內爲世所稱 國朝內閣中
書舍人恕行公諱華始自上店遷居常州府城再傳至遵
侯公諱鍾茂是爲 府君高祖曾祖諱毓秀直隸肥鄉縣

典史祖諱秉怡孝廉方正考諱篁昌增貢生候選訓導三世皆以府君官
贈資政大夫曾祖妣氏莊祖妣氏莊妣氏陸章皆

封夫人先大父有子三長府君次仲父仲允公諱元

升附監生咸豐壬子科順天鄉試挑取臚錄次季父楷生公諱元鼎蚤歲不祿府君幼而岐嶷生有至性十歲喪

先大母哀毀如成人稍長出就外塾天資挺異受業於同邑何香椿談鴻儒兩先生皆里中名宿少許可獨於

府君奇愛之先大父屢躋秋闈家貧課徒自給府君

益劬學淬志以氣節自勵讀書湛深經訓閱覽精究下筆
洋洋數千言長老宿學皆歛手推服道光乙未補博士弟
子員戊戌先妣余夫人來歸府君少有四方之志旣
壯遂遊京師故河帥長白完顏見亭麟公慶至戚也延主
其家半畝園與中表文勤崇公昆仲同學講習討論日益
進丙午中式順天鄉試舉人庚戌成進士改翰林院庶吉
士咸豐癸丑散館授主事分刑部直隸司行走刑部爲天
下刑名總匯律例紛繁府君每晨起進署句稽搜討必
折衷平允而後已案無留牘尙書昆明趙公光最重府

君每疑獄必委。府君鞠之摘奸發伏吏驚以爲神旋補
缺甲寅四川學政何公紹基疏劾總督裕興。府君憤不能平力
朝命工部左侍郎宗室載公齡右侍郎崇公寶覆案其事
府君隨行時有持之者幾不得白。府君憤不能平力
爭竟其事侍郎韙其言遂專任。府君嚴鞠奏上如所議
人咸服其公乙卯春差旋與考試差會粵匪事起東南行
省半淪陷。府君慨然念致身之誼思得一當以報國上
書當道不之省又念故鄉危在旦夕每以不克迎養爲憾
居無何。先繼祖妣章太夫人在籍棄養。府君得耗星

夜馳歸窳窳旣營當事敦請總辦保衛局府君以新遭
母喪力辭之先大父春秋高與仲父一室承歡雍愉
罔間戊午服闋赴部起復庚申夏常州失守闔家殉難
府君日夜號泣具呈赴都察院乞代奏七月二十五日內
閣奉

上諭都察院奏刑部主事惲鴻儀以守城盡節合家遇害
等詞遣抱告赴該衙門呈訴本年四月間逆匪陷常州府
城該員胞弟惲元升守城巷戰身受重傷殉難該員親父
候選訓導惲彙昌妻余氏胞孀趙氏胞姑母何惲氏妹吳

惲氏朱惲氏何惲氏子積謙姪積功積勤妹夫朱文齡何承慶僕婦陸姓李姓張姓同時殉難殊堪憫惻著交部分別旌卹以褒忠節欽此

天恩優渥感激涕零主府君倉皇出都道途梗阻出入鋒鏑艱險備嘗歲暮始抵淮安時姑丈馮賡廷先生承熙避亂於此因同寓焉戚友之避地來者如劉開生翰清吳晉壬唐林胡雪堂裕燕諸先生皆主府君至契至是先後卜居流連話舊蒿日時艱憂形於色作哀江南詩以抒悲憤讀者方之少陵樂天至今有傳誦者同治改元再入都補

主事丁卯題員外郎坐辦秋審處相國周文勤公祖培方
管部稔知府君斷獄勤能由總辦越次得坐辦各堂官
亦倚之如左右手旋充律例館提調庚午由郎中得京察
一等引見

記名以道府用踰年
特授貴州貴陽府遺缺知府謝恩
召對甚久相國文文忠公祥歎曰惲伯方大賢乃得邊省
然苗亂初定當與民休息因謂府君曰黔俗健訟從前
胡宮保林翼治獄有聲君善折獄毋令黔人獨思胡文忠

也壬申秋抵黔署思南府思南俗悍民刁號稱難治 府
君下車伊始卽清理積牘未數月空其獄囚吏胥不得售
其奸民呼爲憚青天府屬沿河司向爲鹽梟痞棍叢集之
所勾結橫行居民惶恐一日數驚 府君親往捕之盜匿
礮樓中 府君詗知策騎率練勇往圍捍魁冉姓最矯捷
自窗跳而逸 府君麾騎槍斃之擒其餘黨悉寘諸法民
安其居闔境歡頌大吏上其功得 府君 旨賞戴花翎並加三品銜在思南兩年除暴安民政聲卓
著僉謂百餘年無此好官也甲戌秋奉檄回鎮遠府本任

去之日紳民相送數十里遮道不絕九月履鎮遠任故事
貴東道駐古州而誠齋吳公自發以平苗功移駐鎮遠督
辦善後事宜府君遇事得所稟承招集流亡振興書院
儲備積穀靡不殫心擘畫一如治思南時吳公亦推誠相
與輿論翕然洪雅曾文誠公璧光與林府君同年尤信任
甚專嘗謂藩司黎文肅公培敬曰憚某精明強幹操守亦
好卽調補貴陽忌者日益衆貴陽劇郡昕夕從公無暇晷
而在省候補人員之閑居者日有所干謁府君素惡奔
競峻拒之又因公事數與黎公爭忌者益構造蜚語上聞

適中丞曾公薨黎公代其位 府君介然自守不改常度
一日黎公忽語 府君曰廣西巡撫嚴渭春中丞溘逝可
惜可惜子知渭春爲何如人乎 府君從容進曰嚴中丞
惜褊衷耳同僚相顧失色黎公默然自是愈不安於位未
幾奏請開缺送部引 見時布政使林公肇元述職京師
相國寶文靖公問狀且語之曰憚某居官勤操守好人所
共知何今歲注考與前迴殊此不可解是 府君之直道
見黜皎如白日公論所存亦可以無憾矣光緒丁丑旋里
主講龍城書院二十年造就甚衆掇巍科以去者劉太史

可毅樹屏張農曹鶴齡其尤著也 府君天性孝友潛於
榮利早歲家貧奔走四方以餬口逮通籍後京宦清貧尤
以不克祿養爲憾其間遭髮逆之禍闔家殉難每遇忌日
茹素終其身謂不孝曰祭而豐何如養之薄輒涕泣不食
晚年葺屋數楹爲朝夕憇息之所圖史金石外無長物暇
課 不孝 暨孫以自遣春秋佳日二三老友過從談讌絕不
與外事而於時政得失未嘗不感懷慷慨以爲殷憂戊子
己丑長兄君實嫂余恭人五兄虎臣先後病歿 府君鬱
鬱寡歡形神自此消耗嗚呼痛哉壬辰爲 不孝 及姪 啟佑

啟楣 授室乙未 不孝 游庠距 府君入泮歲花甲一週

府君爲之色喜頻年來雖足不出戶而飲食健啖如常 不

孝 深幸愛日方長私心竊慰昨歲長孫 啟佑 以瘵卒 府

君哭之慟今年春忽患痰疾醫藥罔效旬日間竟棄 不孝

等而長逝嗚呼痛哉 不孝 侍奉無狀獲罪於天尙何言哉

尙何言哉 府君精力過人耿介絕俗自官刑曹泊典外

郡風裁峻整僚屬莫敢干以私表裏純白不設城府尤以

好名爲戒由是與俗不諧年逾八十神明不衰每晨起焚

香默坐自奉儉約所食不過四簋兢兢以物力艱難爲慮

生平無聲色之好居家廿載非公事未嘗至官吏之門然
遇地方利害又未嘗不力任之如往年委員某奉檄稽查
漏捐率請府縣出示設局於西城外龍嘴衆情洶洶毀卡
罷市商民奔赴控愬幾毀府縣廨成巨獄余府君急排衆
入署力言迹涉重征立請出示撤局翼日開市如常至今
稱便其倉猝定亂應機立斷多此類嗚呼以府君學行
政績宜膺受多福乃官不過二千石歸里後家庭多故不
獲優游頤養以樂天年不孝又不克早自樹立以顯揚博
一日之歡不可爲人不可爲子嗚呼痛哉府君生於嘉

慶二十一年十一月十四日丑時卒於光緒二十四年正月十一日卯時享壽八十有三配吾母余夫人郡庠生諱保厚公女生於嘉慶二十一年八月初六日巳時殉難於咸豐十年四月初六日側室項孺人卽不孝生母府君

有子四長寶楨同治庚午科舉人安徽候補知府娶黃氏江蘇常州府總捕通判諱麗中公女繼娶余氏刑部郎中諱光倬公女先出府君卒次積謙殉難三寶琛六品銜浙江候補鹽大使早卒娶余氏庠生搢廷公女不孝寶椿庠生娶費氏二品銜直隸清河道諱學會公女孫男二啟佑

啟楮 寶琛出 啟佑 嗣寶楨後娶張氏浙江候補通判諱肇

綸公女先卒 啟楮 娶李氏直隸候補縣丞諱鼎熙公女孫

女三長適李氏直隸候補通判諱寶翰公次子分省知縣

祖泰次適陶氏山東臨清直隸州知州名錫麒公長子浙

江補用知府湘皆寶楨出三適張氏山西屯留縣知縣諱

霖公長子國學生宗元寶琛出茲謹卜吉於本年十二月

十八日敬奉 先靈安葬練塘橋祖塋新阡主穴 不孝 慚

幼無知大懼一旦溘先朝露俾 府君嘉言懿行叙述無

人謹就苦由中追憶隨侍所聞詮次如右如蒙

錫之銘誅用光泉壤則不孝世世子孫感且不朽

不孝孤哀子寶椿泣血謹述

賜進士出身

誥授光祿大夫中經筵日講起居注官吉太子太保上

書房總師傅翰林院掌院學士管理吏部事務體仁閣大

學士年愚弟徐桐頓首拜填諱

文正具顯李刃直錄對辭嚴峻輔贊歸公天子長官朕

錄公文長卒無狀妻李刃直錄對辭嚴峻輔贊歸公天子

錄公文長卒無狀妻李刃直錄對辭嚴峻輔贊歸公天子

二品頂戴按察使銜浙江督糧道顯考杏耘府君行

述

府君諱祖貽字杏耘惲氏得姓多本漢平通侯或謂系出
唐蔣王惲孫常州司法參軍稅譜牒遠湮無可依據至宋
時四十四世祖諱方直始著籍常州支分派衍

國朝析武進別置縣遂爲陽湖人自明福建布政司參議
諱紹芳以嘉靖二十六年進士起家傳三世至湖廣按察
使諱厥初勛名益顯厥後德望繼起代有聞人科第聯綿
迄今稱盛曾祖諱曾隆祖諱煜直隸南皮縣主簿均以先

伯祖光宸貴 贈光祿大夫江西巡撫加三級曾祖妣項

祖妣季 贈一品夫人父名 安徽靈璧縣知縣游升

候補道二品頂戴 十六年 安徽靈璧縣知縣游升

誥授資政大夫以府君貴恭遇 人自 安徽靈璧縣知縣游升

覃恩加從一品封典 晉封榮祿大夫母張 晉封一品

夫人張太夫人生子四府君居長叔父祖翼次銘早殤季

父祖祚府君姪十四月而生幼負奇稟讀書過目成誦十

一歲羣經畢讀卽肆力於詩古文辭不沾沾爲帖括之學

咸豐元年辛亥李夫人來歸癸丑先兄毓埭生乙卯不孝

毓文生丁巳不孝毓齡生大父歷官南河挈家淮揚時粵
寇竄踞金陵江淮分建幕府當事耳大父名檄調隨營軍
諮旁午府君恒橐筆以從閱歷形勢益究心經濟之用八
年戊午應順天鄉試中式五上春官四薦不售遂不復試
時已由內閣中書歷充

國史館 方略館

玉牒館編校官以襄事尤爲出力疊保奉
旨免選員外郎以知府在任卽選並

賞加三品頂戴旋充補總理各國事務衙門章京當

穆宗御極之初通商條約甫定泰西各國重譯而來欸關
守闕者趾錯於道

朝廷招攜懷遠恩意均沾中外交涉滋繁樞府日不暇給
於是

特簡王大臣總理其事設公署補章京規制畧同軍機處
而殊俗多方撫馭難得要領措詞立說易啟猜疑所以彰
國體而靖人心者其關係爲尤重府君從事總署三年時
總理大臣爲百川相國文端公文祥佩蘅相國寶鋆尙書
譚公廷襄董公恂稔府君才畧凡章奏公牘一以委之府

君感憤時艱既得所藉手益思有以自見往往事際萬難
同寮動色獨從容鎮定面折庭爭凡維持補救之方口沫
手舐不遺餘力惟總署事經創始局外不諒嘖有煩言府
君身任憂勞益用心疚念自辛酉入都供職睽違定省已
及十年時李夫人率不孝毓齡相隨京邸先兄毓埭已早
殤不孝毓文隨侍大父母自皖旋里曝直宣勞亟思祿養
遂決計陳情乞外經本署王大臣擇尤保薦奉
旨免選知府以道員分發省分補用並
賞換按察使銜當事惜府君之遽去方欲援案奏留未幾

而天津民教之獄起

上命工部尙書毛公昶熙赴津查辦總理衙門奏派府君及翰林院侍讀吳公元炳刑部郎中陳公欽刑部員外郎劉公錫鴻隨同馳驛前往先是天津境內屢有迷拐幼孩之案並謠傳採生折割經天津知府張光藻知縣劉傑緝獲拐匪二名嚴辦旋由民團拏獲匪徒牽涉教堂於是津民與教民日事爭鬪三口通商大臣侍郎崇厚約法國領事官豐大業至署提犯對質斯時訛言四起人情洶洶集署門外豐大業負氣走出鎗擊傷人津民見之憤甚遂毆

幾豐大業燒燬教堂教民死者甚衆時直隸總督爲湘鄉
相國曾文正公國藩馳赴天津訊明教堂迷拐幼孩並無
實據先將道府縣解任聽勘意在力保和局而法國使臣
羅淑亞詞氣驕悍不受理喻堅請將府縣官議抵督臣與
通商大臣意見不合崇公遂有另派重臣之請毛公至津
約法使羅淑亞等會議法使桀驁不馴仍執前說府君偕
陳公據理辨折法使氣沮欲徑赴總理衙門商辦府君知
法使之意若非內外峻拒必不甘心力請毛公勿阻其行
卽爲毛公草疏具陳辨論情形請內外一體堅持定見其

略云該使肆意要求藉兵恐喝仍當處以鎮靜如該國志
在決裂卽將地方官議抵於事無裨徒損國體如該國不
願生事則我已曲意周旋卽力與相持亦不至遽開兵釁
伏乞

宸衷獨斷定見力持該使不遂所請必將自行變計設法
轉圜仍願回津辦理則此案易於措手矣疏上

詔從之毛公留署通商大臣法使赴京津事稍緩奏明飭
令隨員先行回京總理衙門奏留府君辦理津案未了事
件旋緝拏滋事凶犯嚴訊奏決多名府縣革職遣戍案遂

結當津事初起都下浮言胥動各國使臣人人自危廷議
多欲主戰者
詔徵淮軍各營分駐畿疆聽調毛公此行倚府君爲重外
折凶燄內達機宜息事安民保全大局府君之力也同治
十年辛未指省分發浙江挈眷出都乞假省親回里庭闈
無恙手足相依極天倫之樂大父母里居不欲就養命府
君挈眷赴浙到省數月卽奉委赴浙西引地整頓緝私復
會辦塘工局務浙省修建石塘工程甚鉅從事者侵漁浮
冒稽核最難適辦樁木委員爲人訐發府君詳請減價另

委妥員承辦復設轉運驗木局逐枝量驗以期核實嗣後塘椿無短小攙和之弊節省帑項十餘萬兩而翁尖二汛三限工程經府君督率與事亦皆次第速竣光緒二年丙子以東中兩防翁尖汛石塘建復巡撫楊公昌濬保奏奉旨賞加二品頂戴是時大府皆知府君才省內外事無大小悉咨府君府君自以年力正強銳身自任殫誠區畫動合機宜察案傾心斂手無不服府君之精敏焉四年戊寅署溫處海防兵備道兼甌海關監督溫州新設通商口岸交涉滋繁有船戶吳阿元被洋人訛索一案控經通商督

撫衙門三年不能決大府以府君夙諳洋務將全案入卷發道質訊與該國領事官反覆辨詰一晝夜而洋人辭屈案遂定官民拊掌稱快洋人於沿江一帶發掘墳冢建造洋樓幾至激變府君急用溫語撫慰諭洋人以利害事遂寢民咸遮道叩謝署任凡七月巡撫梅公啟照與閩浙總督何公璟以詳明幹練治事精勤合疏密薦奉旨交軍機處存記候簡五年己卯十月簡授浙江督糧道是時家門鼎盛羣從昆弟聯翩科第入翰林列郎署堂伯父彥琦方任湖北督糧道堂叔父彥彬

以編修兩典鄂浙試叔父祖翼甲子科本省鄉試舉人湖北候補道旋署鹽法武昌道季父祖祁湖南零陵縣知縣洵階知府在籍侍養一門簪笏競爽聯鑣不孝等復同日補博士弟子員相繼娶婦生子大父母年屆六旬神明強固視聽不衰繞膝孫曾含飴自適府君宦浙常就近歸省迨涖新任大父母時依官舍作湖山之游春酒稱觴遠近會祝悅親養志恩慶方臻四世同堂人倫完備論者謂家庭盛事海內所僅見云故事漕糧海運由滬運津赴通倉交納歲以二月開辦及秋竣事府君涖任後諸務益加周

密漕船連檣抵津一無漂失米色乾潔全數納倉自三月起運五月卽告竣府君督運抵津感受暑熱驟得霍亂吐瀉之證漸至胸痞便閉變爲黃疸匝月間一病幾殆自以身膺水師明勳出將器不辭便民公疑夫敵賊孰敢與殊遇深懼無以報稱仍力疾從公接見察屬商權剝運交兌事宜往返津通迄未休息加以海舶風濤眩暈時作而病根自此深矣津通剝船類多做漏各省漕糧分剝尤苦不敷往往露積河干曠持日久船戶因緣爲姦府君深以爲慮因詳請自造剝船百隻永歸浙省調用由節省項下

籌款興辦經營伊始羣以爲難且有慮歲修款項無着致遺他日累者府君毅然自任酌立章程鈎稽核實檄委候補通判沈藻烈留津董其事府君疾革時猶復繫念不置迨剝船工竣物料堅備費用樽節凡用款二萬餘兩較之兩湖所造價廉而工堅漕運事竣歸入招商局承運貨物所得水脚卽作油黏費不復動用公款人始服府君先見之明彌歎實心任事爲不及也庚辰年督運正耗米四十一萬七千石有奇冬徵漕糧通飭各屬完折聽民自便民甚利之次年又增十萬石府君益殫心力親率輸輓精神

耗減病根益深而勤慎視事一如平時在津間大父有疾
憂念廢寢食歸途復遇颶風益加委頓亟順道回里省親
大父健復如常稍用自慰七月旋署病體漸覺不支八月
初疽發於背煩躁不安醫治增劇不孝等懇請自常延醫
診視府君亟呼不孝等切諭曰命之修短有數旣不能引
退承歡忍馳急足重父母憂耶不孝唯唯私心終不能已
比醫來僉謂積勞太過元氣久虛外證頗虞內陷非淺茸
重劑不可旬日間漸有起色府君自以卧病日久公事繁
重猶強起支持時於卧內延詢寮友不意焦勞日甚背疽

頓遺數託罔效延至九月三十日戌刻竟棄不孝等而長
逝矣嗚呼痛哉府君性孝友事我大父母愉色婉容委曲
承順十年京官望雲念切時當邸樞倚任駿駿大用論者
謂需次外省濡滯事機府君行乎心之所安初不爲功名
利鈍計迨板輿迎養得遂烏私復輒以運糧北行不獲長
侍晨昏爲憾往往喜懼交迫終夜徬徨孺慕之誠四十九
年如一日與叔父祖翼親愛逾常少則入塾受經長則馳
驅南北形影相共每值艱難困苦中彌有怡怡之樂叔父
筮仕鄂省不復能見而書函慰問絡繹於途行部庶務煩

勞公牘之手批者盈尺而夜半猶挑燈作家書也長季父
祖祁十歲情誼相似方病篤時季父飛舸抵署詣榻執手
府君矍然起坐喜溢眉宇若頓忘其疾之沈困者旁觀咸
爲歎息府君嗜學不倦博極羣書下至堪輿星卜之術靡
不畢究慷慨好施與晉豫災捐廉助振復以大父母命施
棉衣若干待人接物坦白和平夷然無忤而是非義利之
界剖析精審不爲苟同尤喜培植後進一技之長譽之不
容口凡年家故舊來浙者無不量才器使深爲推獎以是
聞府君之喪相率咨嗟扼腕爲天下人才惜孤寒之士羣

欲歔歔流涕焉嗚呼以府君之精力而年不及艾以府君之才畧而未竟設施以府君之至性而不獲終養此皆不孝等侍奉無狀罹此鞠凶念及人子不可不知醫之說則不孝之罪上通於天不禁椎心泣血而哀悔無從也尙忍言哉尙忍言哉府君生於道光十三年癸巳二月二十一日亥時卒於光緒辛巳九月三十日戌時享年四十有九咸豐戊午科順天鄉試舉人內閣中書候選員外郎知府分發浙江補用道署溫處兵備道甌海關監督前駐紮平簡放浙江督糧道按察使銜二品頂戴

誥授資政大夫配李夫人同里道光庚子舉人廣東澄海

縣知縣殉難 賜卹諱彤勲公女

誥封夫人子三長毓埭殤次不孝毓文縣學附貢生娶溧

陽姚氏三品銜補用道浙江中塘海防同知光字公女次

不孝毓齡縣學附生娶同里張氏附貢生達公女女一適

常熟翁氏咸豐丙辰科 賜進士及第工部尚書同龢公

孫戊午科舉人內國侍讀諱曾翰公長子二品廕生光祿

寺署正安孫孫若干人 不孝毓文出 不孝毓齡

出府君生平政績藉藉人口不孝等謹就見聞所及者畧

述梗概不敢以虛辭溢美厚誣先人苦塊昏迷語無倫次
 伏乞當世立言君子援以死勤事之義錫之銘誅用光泉
 壤則不孝世世子孫感且不朽

不孝餘其氣豐丙辰年 不孝毓

文齡

泣血謹述

不孝謝領想學前主妻同里避其相育主教公文文一
 謝撥其三品濟歸田前中樂前同同故失字公文文
 謝佳夫人下三身歸其妻夫不孝謝文烈學相育主
 謝味謝麻漢謝謝謝謝謝謝謝謝謝謝謝謝謝謝謝謝謝
 謝謝謝謝謝謝謝謝謝謝謝謝謝謝謝謝謝謝謝謝謝謝

公頭品頂戴兵部尙書都察院右都御史浙江巡撫兼
總理鹽政兼總理各國事務大臣先考菘耘府君行
傳述

府君姓惲氏諱祖翼字菘耘一字叔謀世爲江蘇陽湖人
曾祖諱耕方祖諱煜直隸南皮縣知縣以先伯祖濬生
公貴贈光祿大夫江西巡撫考諱光業二品銜安徽候
補道皆以先府君貴贈光祿大夫兵部尙書銜浙江巡
撫先大父有子三人而府君其仲子也幼有異稟讀書
目數行下稍長輒留心經世時務以天下爲己任不屑屑

爲章句記誦之學 先大母張太夫人督課嚴 府君與
先伯考杏耘公辨色而興入塾漏數下乃退遇 先大
父母有疾衣不解帶盡心扶持 先大父母患肝疾屢劇
公府君謂人子不可不知醫乃薈萃古今醫家言與時賢
往復辨論伺候顏色親進刀圭每霍然應手輒愈歲丁巳
先慈高太夫人來歸事舅姑先意承志能代子職 府
君乃橐筆出遊往來燕薊齊魯及臨淮壽潁之間單車徒
步輒數十里益知關塞險要民生疾苦兩江制府馬端愍
公聞 府君名敦聘入幕遇事諮詢時值髮捻之亂軍報

絡繹羽檄星馳安危之機間不容髮每丙夜修書洋洋數
千萬言無不中窾要馬公取所衣裘被服府君曰君善自
愛他日功名不出老夫下也咸豐戊午年先伯考舉順天
鄉試一府君以額滿挑取謄錄同治甲子金陵克復曾文
正公奏請開科一府君遂膺鄉薦復以實錄館書成議敘
知縣時一先伯考以中書供職京師一季父以同知需次
湖南攝零陵縣事一府君謂一先大父母春秋高獨留侍
左右一先大父命一府君仕一府君固辭一先大父曰吾
與汝母年雖高幸彊飯無恙汝曹宜報一國恩無以我爲

惟正家乘 卷一 八
念他日當就養以慰汝也旋改官郎中以籌辦西征轉運
游擢道員光緒乙亥始引見到鄂鄂督合肥李公瀚章鄂
撫常熟翁公同爵稔知 府君才檄辦軍需善後事精臺
責任重大兵餉出入主之者或挪借帑項以待補苴 府
君誓不侵公家一錢歲終點驗庫藏吏雁行持簿進所記
獨無 府君名咸驚歎相戒奉法大府益器重之旋兼營
務處權鹽法道篆壬午冬月江夏知縣蔡炳榮以細故鞭
督標營弁弁銜之率其黨伏教場伺知縣出肆毆幾死制
府涂公宗瀛飭拘數人將寘之法合營鳴角大譁 府君

聞變馳往則營門大開執械相向勢張甚。府君徒步而
入大呼曰汝等皆義士當爲國家宣力今怯於公戰而勇
於私讐非義也。以一人犯法而羣蹈不測之禍制府固欲
誅汝吾不忍汝等之死故戴吾頭來吾豈畏死者哉汝曹
不悟死將及矣則釋械痛哭伏地。府君命縛送首禍者
一二人事遂大定癸未三月匪首王覺一陰令悍黨數百
潛伏武昌夏口約期舉事謀漸泄。府君不動聲色密籌
布置會把總朱元度乘夜告變更柝四下。府君偕中協
馬朝龍率親兵數人急趨紅牆巷破門入則羣匪抹首跨

惟上家乘 卷一 三
腰刀將出 府君揮親兵直前擒捕短兵巷戰匪或升屋
而逸勇目某踰垣從之獲匪五十餘人城外餘黨皆驚竄
黎明居民開門出見網縛多匪則大駭制府涂公握 府
君手曰文吏知兵預此役者惟君一人而已 府君遜謝
涂公密摺保薦有曰候補道惲某才堪濟變可勝督撫奉
旨交軍機處存記先後直隸總督李文忠公湖廣總督李
勤恪公張公之洞閩浙總督何公璟湖南北巡撫彭公祖
賢卞公寶第等七次保薦人才均奉 旨 府君在外聞訃慟哭
旨留中甲申四月丁 府君先大父憂 府君在外聞訃慟哭

仆地星夜奔喪時先伯考已前歿府君與季父奉
先大母訓經營喪葬盡哀盡禮丙戌十月服闋回鄂中
丞爲長白奎斌公先聞府君名一到卽延見抵掌縱談
大悅立檄辦牙釐局事復權鹽法道篆奎公爲滿洲名臣
知府君才倚重如左右手遇有疑難輒折節下問每日
僚屬中有如君者數人吾無憂矣府君亦知無不言百
廢具舉鹽法道故分守武昌府君初權篆時察知望山
門外鮎魚套口爲行舟停泊之所然地處上游江水紆濶
其自下游來者皆泊對岸之襄河河流湍急夏秋盛漲船

多撞覆。府君周勘地勢知武勝門外塘角原有河形年久湮塞請撥鉅款較舊形寬長疏濬并將港內腹地周圍開挖舟行大暢久之或於河內築橫隄一道積淤斷流商民交怨知府君復來環稟伸訴。府君履勘加濬疏河決隄悉復其舊自是巨舶小艘咸得安泊其寄旋襄河者猝遇水漲順流下駛頃刻出險頌聲翕然己丑冬月補糧儲道庚寅十二月權按察使州縣積習骫骳視檄令如具文案宕不結。府君嚴定期限踰期者參罰不少貨積案一清荆門鍾祥等六州縣地濱襄河固匪乘夜劫掠輕舟

一葉遠遁無踪。府君飭幹辦六員分頭躡緝。一夕漏三下。知縣包鵬飛叩門請謁。府君急攝衣起延見。與語則密陳匪踪所在。府君授以方畧。詰旦獲匪纍纍如魚貫。皆曰神明先後緝獲。拐匪曾么兒等數十人。婦女劉美英等百餘口。終。府君任匪徒斂迹。湘人道員周漢好扶乩。嫉洋教廣座中。輒箕踞大罵。或假其名刊播圖說。英領事移請查辦。湘中士論大譁。同官皆不欲往。府君慷慨請行。或危之。府君夷然急馳往。先諭湘人曰。吾來爲保護。若等非有他也。至則廉得其實。卽馳返白制府曰。茲事假

託非周漢所爲然患心疾惑神仙不勝監司之任請暫褫其職俟疾愈復官塞外人之口而於茲事無與以肅官政且以崇國威制府掀髯曰操縱得宜寬嚴互用吾固知君能辦此也遂入奏請如大府君言中外帖服癸巳四月調漢黃德道監督江漢關漢鎮闐闐充居襄河船檝麇泊水陸要衝人煙稠密然水火之厄往往猝不及避致斃多人大府君盡焉傷之乃商諸電局設襄河立椿報水之法一得襄電飭都司豎牌鳴鑼沿岸曉諭上流水漲一晝夜始到而各船戶添椿加纜預爲籌備水至無所患洋商夾板

船向泊大別山下妨民船出入之路每歲撞覆沉溺者不少
府君以大義切商稅務司請移夾板船於水師碼頭
以便民船往來稅司感諾而漢鎮道窄民稠一遇火災水
龍艱於進巷飭全鎮商民各家皆於晒臺預儲水缸購置
小洋龍蓄水施救又移洋油堆棧於通濟門隙地數年之
間水火之患大減至今便之夏口爲五省縮轂商賈輻輳
貲本動盈千萬出入羸絀輒關係大局奸商覬覦其利往
往虛張場面銀貨入手卽僞作虧折運貲他徙爲閭閻大
害 府君責令五家環保並嚴立查封科罪章程積弊日

除商務日盛遇事務持大體與西官往復辯論侃侃無所
屈英商威時私購西月湖湯湖基地爲公司之產呈契請
驗本府君曰如約外人不得在內地置產所請稅契應不
准行飭縣勒令繳價回贖並照會英領事皆折服無異詞
宋埠民燬教堂德領事負氣欲刻期建立兼欲懲治多人
府君謂民情洶洶強抑之不獨爲中國累請俟數年後
察看情形再行定議抵罪者僅一二人而事遂解西人僉
曰憚道臺好官甲午冬月權湖北布政使旋擢按察使丙
申十月復擢浙江布政使制府南皮張公欲具疏乞留不

府君曰老母年八十矣憚於遠行浙江一水可通舟楫甚便求遂將母之念以紆報國之情登舟將解維張公鳴騶至舟次密詢地方利弊及人才賢否握手深談旂蓋駐江澣材官皆按劍侍立日移晷始升輿去鄂中父老依依送別爆竹聲聞十餘里達旦不絕丁酉二月之浙藩任杭州知府林啟率僚屬迎於塘棲 府君語之曰時事艱難至此此身忝爲達官豈復有尊榮光寵之念願諸君相與竭力以圖報稱也會金華永康兩縣紳民以糧價浮收控於知府繼良知府白撫藩請將完納錢糧銀價核定以昭畫

府君詳查舊案同治四年左文襄公撫浙清賦減浮積弊已絕而近年錢根日短銀洋頓賤各州縣仍照貴時銀價折收失從前減浮本意乃詳請大府通飭各州縣衛所鹽場將現徵地漕屯餉竈課等項折收錢銀逐一確查核減設櫃徵收不得假手胥吏計浙江十一府減徵錢二十七萬餘串又以漕釐兩項爲出納大宗釐卡日增捐數日絀亟宜清查整頓以順商情於是嚴杜中飽酌定盈餘合江蘇驗單以便稽查裁嘉興冗卡以免留難而釐務大有起色每歲驟增至二百二十餘萬兩初議辦時大府君

白中丞嘉定廖公曰茲事便於國家便於商民而不便於
官清廉者無所恠惜貪墨之吏必有毀藩司以聳公聽者
公無爲所動廖公曰諾有讒 府君者叱去之卒如所議
行御史某以直省錢糧浮收釐金積弊入奏奉 旨嚴查廖公覆奏以辦理在先著有成效得

優旨廖公謂 府君曰幸早聽君言浙省代辦振捐減成
折收所餘頗鉅督辦差委皆私肥入橐 府君詳請化私
爲官手諭戒僚屬曰承辦振捐除公費係應得之款其餘
稍有侵蝕與吞振何異陽誅或免陰譴難逃也振餘宜仍

作振用非極大功德之事不准動用絲毫或開河築塘救
活億萬生命或掩骼埋胔保全嬰節等項放手支用不動
公歛不籌義捐而於地方大有益各員亦踴躍從命義形
於色 府君曰吾舟過嘉興時見民家停棺不葬露骸敗
糶拋棄河干蠅蚋四集非所以安魂魄也命談君麟書董
其事撥銀一萬五千餘金埋棺二萬七千餘具紹郡水災
杭紳樊侍講恭煦等設厰振饑苦費絀欲議停入見以爲
言 府君立畀五千金樊遽下拜杭道陳公謂 府君曰
公保全生命澤及枯骨仁人君子之所爲也而上虞石塘

之事最著虞邑山水驟發風潮頂漲南岸土塘決口七處
知縣吳世欽遞邑紳稟曰北塘濱海用石築成屹然恃以
無恐而南塘沿江向係用土屢築屢圯費帑已二十倍之
多不如改建石塘惟綿亘數十里鉅貲無所出請擇受潮
頂衝險要之處先行勘段改築詳請批行府君曰石塘
誠百世之利保障數邑事由喻守欵則吾任之茲事重大
非尅期所能蕝事現在陰雨不作潮汛未臨籌司庫洋五
萬餘元趕購石料砌盤釘樁先時興辦否則時日遷延山
水風潮消漲莫測恐未得其利先受其害紳民感奮計成

石塘一千數百餘丈辛丑浙東數郡被水獨上虞晏然邑人思府君之德名之曰憚公隄釀民資爲府君建祠以時報賽他如開嘉興之泖湖濬仁和之上塘河灌溉農田水利畢舉府君先以籌辦轉運協餉賜二品頂戴花翎至是復以籌振捐四十餘萬奉旨加頭品頂戴府君馭下寬和然遇貪酷吏輒裁抑之義所不可雖權要無所屈忌者以蜚語相構陷府君上書大府畧曰本司當官而行義無所避雖謗書盈篋非所懼也忌者益賄臺官劾府君得

旨交浙撫查辦咸憂之 府君曰方今

天子仁聖大府廉明吾事當得白否則吾官可失吾名不
可汚汚吾名吾不任受也浙撫劉公樹堂知 府君冤特
疏昭雪之

上以是益知 府君矣庚子六月北方拳教交闕各國以
水師襲踞津沽劉公大憂之欲招集所謂義民者以固浙
防 府君諫曰浙省伏莽蔓延聞北方匪亂蠢焉思動若
召之是速禍也勢將燎原未幾衢州戕官焚教堂之禍作
知縣吳德瀟殉難殺教士十餘人英領事欲以兵艦赴浙

杭人洵懼 府君白中丞曰匪衆肇禍非官吏所及防且
縣令殲焉請以理喻之而爲捕治亂黨倘兵艦果來公與
某受國厚恩當身殉無所顧戀也會江督劉公鄂督張公
與宗丞盛公約領事議保護南方 府君語劉公浙省宜
入約劉公未卽發而明日當晝押夜分盛公馳電至 府
君不及上院遽發電請先列藩司銜秉燭待旦明日劉公
電請阻西人勿進兵而事機已大定一晝夜之際轉危爲
安浙省幸免兵禍以是益德 府君十月奉撫浙之
命且令迅速赴任

特恩加兵部尙書銜異數也。日府君旣受事密飭金衢嚴道郭公式昌設法禽捕解省交府縣研訊得真犯十餘人請正法而英領事霍必瀾歸罪官紳欲駢誅以洩憤。府君堅持不可與會辦衢案盛公再三力爭日城守都司周之德揚言激變在場鼓舞安仁汎把總徐攀英請緩調兵阻止彈壓罪魁禍首應議大辟鮑道喻鎮洪守雖無定變之才實有保護之意不得誣爲指使予以重刑本大臣本部院自有權衡無所縱亦無所枉也且密疏具陳鎮道大員纒首就戮上妨國體下拂民情請

朝旨堅拒勿許於是洪守禡職喻鎮鮑道卒以減死論戍戮犯十餘人而衢案遂結 府君以神京淪陷 乘輿出狩引領西望終夜徬徨以爲內訌外侮皆由軍律不張浙江介閩贛皖粵之間負海控湖港汊紛歧山嶺叢雜而大嵐山尤爲盜寇出沒之所非焚燬巢穴不足以靖內亂而浙軍兵額缺乏器械窳敝一遇寇警浙軍若不得手東南全局震動於是剴切上疏痛陳痼疾請定嚴條奉旨嘉納方欲躬度要隘以設防營簡軍練實以成勁旅焦思竭慮寢食不甯論 不孝 等曰吾任藩以前刻刻有陳情

之志建節以後刻刻有殉城之心倘有不測吳山之麓鄉
先生趙恭毅公祠吾死所也 不孝等感泣而 先大母疾

亟矣 府君補湖北糧儲道卽迎 先大母在署春暉寸

草養志十年是年五月 先大母思鄉念切暫歸故里不

意夏秋之間二豎寢劇 府君受撫篆後屢欲迎養皆以

病不果行 季父督辦轉運事宜自鄂歸省警電一日屢

至公私交迫心力俱瘁飲食銳減 府君之病根於此矣

十二月 先大母棄養 府君聞訃號泣擗踊以依侍多

年臨終不及視含歛爲憾急欲匍匐奔喪而故事巡撫丁

憂例應候代署篆余公聯沅未卽至杭人欲籲闕請留
府君曰是陷吾不義以重吾罪也力却之奔喪歸里謁

先大母靈幃一慟幾絕居廬哀毀骨立精神憔悴 不孝等

心竊憂之然默窺府君舉動尙能支持或私用自慰辛

丑七月葬先大母於官壩橋臨穴號慟左右扶掖不能

起葬事甫畢而府君遂病生平素強飯至是胃納漸少

夜寐不能常謂季父曰吾每夢至太夫人墓所徘徊

痛哭神魂恟恍吾豈將死耶蓋孺慕之至精誠固結有不

自知其所以然者冬月廿九日氣逆大喘頭目眩暈驟嘔

血數升醫者謂陽明淤血鬱結進清涼止血之劑調治稍
愈蓋 府君早歲食貧中年馳驅爲國宣力事事必期有
濟於民疲精勞神無稍顧惜方大有造於楚越而疾病不
可爲矣旋以濕氣下注漸患足腫上及腰髁延陳先生蓮
舫馬先生紹成診治病亦旋減旋劇壬寅三月 先慈見
背 府君悲悼過甚寢疾益劇腫甚氣急達旦不能安眠
醫者進金匱腎氣湯終無效驗 不孝 等禱於神願減算以
代病卒不減六月初三日 府君自知不起就枕上北向
叩首命 不孝 等卽榻前口投遺摺惟以受恩未報爲念語

不及私初四日下午痰逆上壅目光漸滅延至申刻竟棄
不孝等而長逝矣嗚呼痛哉府君軀貌偉岸目炯炯如
巖下電與人語煦嫗爲和然遇非禮之語嗔目叱之鬚髯
怒張悍將猾吏皆悚然汗下若負霜雪無敢以言語嘗試
者府君待昆弟友愛亦伯考前歿季父嗣伯祖考雲
巢公數十年未嘗析居同室其財無少吝居先大母喪
謂季父曰吾兄弟皆白頭矣以仕宦踪跡不得合并今
幸歸鄉里矣而鬚髮皆皓然未知能相聚幾日也由是飲
食居處必與其府君病季父遇事調護輒夜分不寐

親和湯藥以進聞者賢之 府君訓子嚴不使跬步踰禮

法有過斥責不少貸嘗諭 不孝 等曰吾少貧賤知世事汝

曹生長絜袴不知稼穡之艱難非自勵何以爲人又曰世

俗督責每寬於貧賤而嚴於富貴世家子弟稍一不謹貽

羞祖父汝曹毋隕家聲也又曰富貴之家驕奢淫佚必至

困窮困窮之子乃能愧奮汝曹居安思危當知所以長享

之理祖宗數世積累方有今日毋輕棄也刊刻呂新吾先

生循環圖說及張文端文和公篤素堂集聰訓齋語以示

警 府君敦宗睦族族中子弟有才者輒獎借之其不肖

惟且家乘 卷一 府君竟不及見矣 府君
者雖不任以事亦賜給終其身 先大父在日嘗欲設立
義莊 先大母遺訓亦以爲言 府君與 季父謀曰父
母之命而不及身以行之非孝也施惠於子孫而不奉宗
祖以臨之非禮也資其婚嫁喪葬飽煖逸樂而不使讀書
明大義非教也無老疾孤獨親疎遠近之別非制也乃與
季父及長兄 毓榮 等合捐錢若干緡田若干畝親行度
地指揮規畫爲堂廡數楹祀高曾以下又爲家塾以待族
之寒峻手訂章程數十條病中猶昕夕經營尅期蕝事今
祠宇以次告竣輪奐一新而 府君竟不及見矣 府君

性彊敏吏事精密稠人廣座應對賓客手批口答井井有
條制府南皮張公嘗於座以筆札屬府君立揮洒纒纒
數千言張公故負文章名一見大推服抵漢關受篆日內
出草稿十餘紙僚佐皆捧手驚嘆曰真幹濟才也吾屬當
心折矣府君治事勤嘗秉燭閱官書至夜分不倦著鄂
游雜識浙游續識及撫浙奏議各一卷府君作宦數十
年家無珍物下僚以土儀餽者悉却之去浙日同官贈贈
數千金府君曰父死之謂何又因以爲利君等固麥舟
之誼某不敢受也御史某以贓賄誣府君府君曰是

無庸辨餽遺且不受而何苞苴之有聞者皆以爲然曰府君慈祥愷悌好周人之急僚友以空乏告者無不如其意以去地方水旱輒發帑振濟居喪時紹興嚴州數郡縣被水官吏犇告府君手書勸諭見者動色皆曰去官之後猶惓惓於民命者憚公一人而已未幾武邑沙洲遇風災水漂沒者以萬計府君首捐洋千元偕不孝季父勸鄉里之有力者集貲得鉅萬全活無算嘗論不孝等曰天災流行雖何國蔑有而吾歸鄉適遇其時有善念者乃有善緣非偶然也居恒一刺不入公門然遇地方有大事輒侃侃

無所避嗚呼廉吏可爲陰德食報天道其有知耶其無知耶以府君之積累宜享期頤而竟使中壽而歿耶以府君之身繫百姓安危而竟使擾擾衆生聽其顛連疾苦而無所告耶吾母棄養僅七十日熒熒在疚而忍使孝等又爲無父無母之人耶其不孝等罪孽深重宜膺顯罰而必不可遣耶何不於其身而於其親耶悠悠蒼天何待不孝等若是之酷也嗚呼痛哉府君生於道光十八

年十月初一日亥時歿於光緒二十八年六月初四日申時春秋六十有五歲將以二十九年 月 日合葬於

陽湖新塘鄉夾山新塋主穴

誥授光祿大夫奉

旨照巡撫例賜卹配先慈高太夫人

誥封一品夫人生子二長 不孝毓良 太學生候選直隸州

知州花翎三品銜補用道江西候補知府娶江陰繆氏光

緒丙子科進士四品銜翰林院編修 荃孫 公女次 不孝毓

珂 太學生工部郎中虞衡司行走花翎三品銜選用道娶

江夏張氏道光乙巳科進士兵部尚書前雲貴總督雲南

巡撫諱 凱嵩 公女女五人長未字卒次字無錫華氏二品

銜河南候補道諱 冕臣 公長子五品銜河南候補知縣諱

懋祺 三適同里史氏同治庚午科舉人浙江候補知府諱

恩緒 公長子同知銜湖北候補知縣諱 適定 四未字卒五

字無錫錢氏三品銜廣東候補道諱 誦清 公次子花翎浙

江候補知府 以振 孫四人 魁會 觀會望曾不孝毓良出 魁

會 觀會 俱幼殤 宜會 堂兄毓華出來嗣 不孝 毓珂 府君

歿前二月殤孫女五人嗚呼 府君至行著於家庭盛德

達乎閭巷居官以報國為念處事以濟人為務尚有陰行

其德為 不孝 等所不及知者屬纊之日鄂浙之民奔走巷

哭萬家尸祝遠近同聲 不孝 等苦塊迷罔之中於府君

嘉言懿燉不能紹述萬一謹撮叙崖畧伏求 當 當代立言

君子錫之銘誅用光泉壤 不孝 等世世子孫感且不朽

不孝 毓 良 泣血謹述

不孝 四未字卒

不孝 四未字卒

不孝 四未字卒

不孝 四未字卒

不孝 四未字卒

南大 候選訓導顯考綺崖府君行述

府君姓惲氏諱文燮字燦之號綺崖系出漢梁王相國貞道公後高祖父諱鯤麟公精岐黃術卽府君曾祖曾大父諱書田公亦以醫術行世工楷書卽爲府君祖先大父諱如望公博學能文受業於吳晉望先生之門自四子書以及五經左傳每有心得輒手書之不孝幼時之讀本皆先大父手批稿也是爲府君考先大母戚太孺人有淑德舉子二次諱如訥長卽府君也府君幼穎悟且知孝太孺人因先大父早年棄世悲痛過度遂成肝疾時府君方四歲

孤苦零丁不堪言狀年十八太孺人前病復發胸脇脹痛
府君調治湯藥日夕撫摩每至更深夜冷太孺人止之曰
吾痛稍休汝無庸侍矣府君恐傷太孺人心應之曰唯又
不敢遽離左右乃潛以銅鑪盛火滅燈默坐於上太孺人
不知也至曉徧閱各名家醫書潛心研究自製湯藥以進
卒莫效而府君身受薰灼竟得痔疾太孺人卒府君哀痛
逾恒喪事畢益自惕厲受業於丹邑張七先生之門先生
嘗以偉器期之不僅以文章博科第已也由是深研韓歐
諸大家文集作文不屑規仿時下墨套而欲另樹一幟以

爲制勝之技在此不在彼也誰知文名益盛而文運益艱
累試皆不利是時吾母戴孺人已來歸府君課徒謀食辛
丑歲大姊生甲辰歲不孝穀成生又四年二妹生戴孺人
得中風病竟棄養時府君年三十六不孝甫六齡又多病
家徒壁立兒女啼號而府君以養以教手口爲之卒瘞此
不孝回憶之而尤深痛裂者也咸豐庚申粵匪擾常府君
渡江避難寄居靖邑行橐空空不免庚癸呼權以岐黃術
餬口延請者踵接二年之間積金百餘兩是時親戚皆流
寓江北鴻雁嗷嗷府君心甚憫之意欲相賙而懼難遍也

乃擇至苦者量力助之以故感德者眾迨返里而所積金
皆已散去時江南肅清仲良李公來守吾郡聞府君賢舉
辦本鄉善後事是年復應童子試邑侯方公閱其文曰宿
學也拔置第一及院試又不售越二年親族復懇湏赴試
郡侯扎公又拔第一始得補學官弟子明年歲試一等卽
食餼屢試南闈不利遂遵例出貢自此優游閭里不作進
取想矣所居宅狹小或勸以營造府君曰吾分祠自兵燹
後僅存四壁祭田荒廢祀典缺如吾何忍營私宅以自安
耶於是清釐祠產經理生息至今寢室堂廡煥然一新而

不知府君已幾費經營矣歲壬申不孝穀成遊庠戒之曰
汝雖寸階幸進而爲人之道從此益難汝當勉之不孝謹
誌之不敢忘府君之居恒無事也好作古文著有夢花軒
稿尤喜書法初學顏魯公後學米南宮不拘古人成格而
能入古人之室每日午前楷書五百午後行書五百寒暑
不輟不孝見其精力就衰勸少休府君曰學書不特長人
筆力吾且藉此以涵養性情耳今年春痔血大作淋漓不
已數日後食入卽噎診係脾虛血枯精液告竭不孝先用
甘潤救液佐以甘溫補脾病稍減再用清肺降痰之劑病

又大減步履如常矣時大比之期已近不孝奉府君命束
裝赴試乃試畢返里而府君之病已不可爲十月中旬痰
嗽大作湯水不進至廿二日二鼓時不孝等執燭侍命盥
洗畢猶飲清茶杯許孰知竟棄不孝而長逝矣痛哉痛哉
不孝旣不克揚名顯親又不能常奉甘旨以慰親心復何
言耶然府君一生之事竟不追述萬一則不孝之罪不益
甚耶伏念府君持躬方正好善如不及嫉惡如讎以故善
人皆敬之愛之府君病危時親友問疾者皆下淚生平無
不可告人之事中懷坦白心口如一與人交不設城府必

先退一步以待之其天性然也然不肯隨俗俯仰希合時
趨故投契者亦少嘗自言曰吾生平作文善用一曲字吾
生平爲人善用一直字卽此亦足見府君一生之梗概矣
生於嘉慶癸酉六月廿八日卒於光緒己卯十月廿三日
子時享年六十有七配吾母戴孺人江陰太學生諱

公女子一卽不孝穀成娶同邑莫克明公女女二長適小
河王紹祖次適西灣邑庠生謝守仁孫男三鍾英聘夏墅
姚氏名錫品女鍾磨鍾瑞未聘孫女一不孝苦塊昏迷語
無倫次伏冀當代立言君子錫之傳文以光泉壤不孝世

世子孫感且不朽立有餘年後之君子以此為戒不事世

道且各盡品文雖難辨未得辨文不孝穀成謹述

國王孫頭夫獻西魯昌朝主備於口無畏三處其朝夏聖

公文天一昭不孝燦效運同邑莫京即公文文二其處心

于相率率六十餘計頭哥世漢新入古對太學主新

公然慕勉契百六民廿八日奉命次蘇口限十日其三日

主平餘人喜用一首字唱出亦以良報錄一處之財無矣

賦對時笑青亦情贊自言曰書坐平卦文善用一曲字每

武發一也以此其天抄於出衆不背翻外冊時帝合訓

先考清望公述略

男光照

嗚呼先考之歿也數十年矣當其時光照僅六齡未獲親承庭訓無由悉先考之生平賴先母周太孺人時稱述之因得稍聞梗概然卒不能詳也先母嘗紡織至三更含淚呼光照而謂之曰汝父之所以困窮汝知之乎雖曰天命亦未始非自取之也汝父好施予視人之急猶己之急鄉人來告匱無不貸以財帛不償亦不介懷里中有被火者隨以衣食餉饋更首自捐資爲蓋屋數椽俾得棲身有所嘉慶乙未大旱田穀不登鄉鄰困甚一日夜將半聞叩戶

聲發扁視之乃一鄰人稱已絕糧二日矣斯時吾家亦僅
儲米五升卽慨然以其半贈之汝父雖室如懸磬而扶危
濟厄餘力不遺一生舍已從人此所由以困窮老也嗚呼
吾母之言今猶在耳而音容亦久不復接矣光照之痛尙
可言哉先考生於乾隆戊戌正月十一日卒於道光庚寅
六月初七日享年五十有三子二長鈞次卽光照女三孫
四丙生新邑沛亭福喜茲因族中修譜謹述大略以誌感
焉